

改良宣講集要

上函

風陵文庫
文庫19
F145
/



宣統元年仲春新刻

繪圖官講集要

德州城東王官莊存板



F0145-(1)

宣講集要序

御製

聖諭十六條無非為廣訓化民之道自童試以及鄉會均以恭默為喻而庸夫俗子既不能捧讀

皇章復不得恭聆

聖訓于是

上諭頒行各省以宣講

聖諭為要示諭各地方大小官員及鄉里紳耆概行遵講自順治康熙以迄于今疊奏疊頒誠為剴切而比閭鄉黨仍然不能遍行者皆以愚民不知奧理訓俗型方無善本故也今見是書于十

六條中加以細注徵引古今事跡均有實証所採各種歌調雖未盡善亦屬雅俗參半差可為宣講推廣之意願各處儒士紳耆深體

列聖教民厚意實心力行以此書為珍寶則幸甚

翰林院編修郭嵩燾謹撰

宣講集要卷上一

目錄

宣講

聖諭規則

凡例

欽定學政全書講約事例十五摺

四川全省督撫札諭七章

世祖章皇帝聖諭六訓

聖祖仁皇帝聖諭廣訓十六條

欽定四書韻語

凡例

宣講

聖諭規則 引讚賓旁立云 大眾肅靜今為宣講

聖諭敦行儀禮 鳴金 擊鼓 諸人虔誠排班 就位 跪 叩

首叩首三叩興 亞跪叩首叩首六叩興 三跪叩首叩首九

叩興 詣

聖諭臺前跪 代讀生恭讀

世祖章皇帝

聖諭六訓 讀諭生云

- 第一訓孝順父母
- 第二訓尊敬長上
- 第三訓和睦鄉里
- 第四訓教訓子孫
- 第五訓各安生理
- 第六訓毋作非為

引讚賓云恭讀

聖祖仁皇帝

聖諭廣訓十六條 讀諭生云

- | | | | |
|-----|---------|-----|---------|
| 第一條 | 敦孝弟以重人倫 | 第二條 | 篤宗族以昭雍睦 |
| 第三條 | 和鄉黨以息爭訟 | 第四條 | 重農桑以足衣食 |
| 第五條 | 尚節儉以惜財用 | 第六條 | 隆學校以端士習 |
| 第七條 | 黜異端以崇正學 | 第八條 | 講法律以儆愚頑 |
| 第九條 | 明禮儉以厚風俗 | 第十條 | 務本業以定民志 |
| 十一條 | 訓子弟以禁非為 | 十二條 | 息誣告以全善良 |
| 十三條 | 誠匿逃以免株連 | 十四條 | 完錢糧以省催科 |

十五條 聯保甲以弭盜賊 十六條 解仇忿以重身命

引讚生云恭誦

文昌帝君蕉窗十則 讀諭生云

- 一戒淫行
- 二戒意惡
- 三戒口過
- 四戒誇功
- 五戒廢字
- 六敦人倫
- 七淨心地
- 八立人品
- 九慎言語
- 十廣教化

引讚生恭誦

武聖帝君十二戒規 代讀生云

- 一戒不孝父母 輕慢先靈者同罪
- 二戒侮慢兄長
- 三戒道人過失
- 四戒好勇鬪狠
- 五戒不友愛弟者同罪
- 六戒汗穢竈君
- 七戒道入過失
- 八戒好勇鬪狠
- 九戒打胎溺女
- 十戒食牛犬鰕鱗等肉
- 十一戒穢溺字紙
- 十二戒陵人爭訟

包匿險心深藏不露者同罪

五戒驕傲滿假

固吝良言不開愚昧者同罪

六戒汗穢竈君

不敬天地神祇者同罪

七戒嫖

房慾過度及造淫詞者同罪

八戒賭

遊手好閒及作無益者同罪

九戒打胎溺女

溺愛子女不教者同罪

十戒食牛犬鰕鱗等肉

並好食山禽水族洋煙者同罪

十一戒穢溺字紙

謗聖賢假刀筆者同罪

十二戒陵人爭訟

自好訟者同罪

引讚賓云恭讀

孚佑帝君家規十則 代讀生云

- 一重家長
- 二整禮儀
- 三理家規
- 四勤執業
- 五節費用
- 六立內正
- 七教新婦
- 八端蒙養
- 九睦宗族
- 十正己身

引讚生云恭誦

竈王府君訓男子六戒 代讀生云

- 一戒不孝父母
- 二戒不和兄弟
- 三戒嫖賭溺女
- 四戒鬪狠唆訟
- 五戒穢汙字紙
- 六戒好談閨閫

引讚生云恭讀

竈王府君訓女子六戒 代讀生云

- 一戒不孝公婆
- 二戒不敬丈夫
- 三戒不和妯娌

- 四戒打胎溺女
- 五戒拋撒五穀
- 六戒艷粧廢字

引讚生云恭讀

竈王府君新諭十條 代讀生云

- 一順父母
- 二戒淫惡
- 三和兄弟
- 四信朋友
- 五忍口
- 六節慾
- 七除驕矜
- 八息爭訟
- 九廣施濟
- 十培古墓

引讚生云恭誦

宣講壇規十條 代讀生云

- 一壇內安排停妥禮儀潔淨
- 一入壇身體潔淨衣冠整齊
- 一宣講言語溫文明白曉暢

續圖宣講集要卷十一
一案各有名原無深意其每將案名更改者取其便於指名查稽庶不致重複
一歌詞要言祇以補

聖諭之所未及其已及者不錄但孝字前十六卷並無歌詞故將要言及一切勸孝歌概行收入其他鄙俗及無意味必不收入

欽定學政全書講約事例

順治九年頒行六諭卧碑文於八旗直隸各省

欽定六諭文

孝順父母 恭敬長上 和睦鄉里 教訓子孫
各安生理 無作非為

順治十六年議准設立鄉約申明六諭原以開導愚氓從前屢行申飭恐自引視為故事應嚴行各直省地方牧民之官與父老子弟實行講究其六諭原文本明白易曉仍據舊本講解其鄉約正副不應以土豪僕隸奸胥蠹役充數應會合鄉里公舉六十以上之人告給衣頂行履無過

德業素著之生員統攝若無生員卽以素有德望六七十
歲以上之平民統攝每逢朔望申明六諭並旌別善惡實
行登記簿冊使之共相鼓舞

康熙九年十月十五日 禮部爲欽奉

上諭事本年十月初九日奉

上諭諭禮部朕惟至治之世不專以法令爲務而以教化爲先其
時人心淳良風俗樸厚刑措不用比屋可封長治久安茂登上
世蓋法令禁於一時而教化維於永久若徒恃法令而教化不
先是舍本而務末也近見風俗日漓人心不古囂凌成習僭濫
多端狙詐之術日工獄訟之興靡已或豪富凌輓孤貧或劣紳

武斷鄉曲或惡衿出入衙署或蠹棍詐害良善崔苻之劫掠時
聞讐忿之殺傷疊見陷罹法網刑所必加誅之則無知可憫宥
之則憲典難寬念茲刑辟之日滋良由化導之未善朕今欲法
古帝王尙德緩刑化民成俗于凡敦孝弟以重人倫篤宗族以
昭雍睦和鄉黨以息爭訟重農桑以足衣食尙節儉以惜財用
隆學校以端士習黜異端以崇正學講法律以儆愚頑明禮讓
以厚風俗務本業以定民志訓子弟以禁非爲息誣告以全善
良誠匿逃以免株連完錢糧以省催科聯保甲以弭盜賊解仇
忿以重身命等項作何訓迪教導及作何責成內外文武該管
各官督率舉行爾部詳察典刑定議具奏特諭欽此欽遵

禮部頒行

聖上尙德緩刑化民成俗十六條各直省遵行已久但百姓善良者固多犯法者不少喜爭好訟奢侈浮華干犯名義所在時聞故立鄉約講說見得人人有箇父母有箇兄長人倫最重故第二條要敦孝弟以重人倫父母兄弟之外便有宗族雖比父母稍遠還是一本宗派流傳下來須該認得親切休得視同陌路故第二條要篤宗族以昭雍睦宗族之外便有鄉黨非友卽鄰非親卽故或係父兄同輩或係宗族姻親乖戾不和定生禍隙故第三條要和鄉黨以息爭訟百姓雖然習業不同畢竟耕田養蠶是衣食根本一處田荒便缺了一處米一處蠶荒便缺了一

處衣故第四條要重農桑以足衣食又怕豐衣足食看得錢財輕了濫費濫用來處甚難去處甚易故第五條要尙節儉以惜財用財用有了讀書俊秀之人逞著乖巧不守正道狂蕩無禮士習漸壞故第六條要隆學校以端士習聰明之人雖不至流入下賤喪身敗家然或好異取新把聖賢正論視爲迂濶甘心左道惑世誣民最爲可恨故第七條要黜異端以崇正學明曉之人胸中知有法度不去犯他至若愚頑一種不知法律是怎麼樣誤踏陷阱故第八條講法律以儆愚頑

朝廷法律不得已而用若能人人依禮事事謙恭心氣自然和平風俗自是淳厚就是法律也犯不著故第九條要明禮讓以厚

風俗士農工商各有生理人人有應作的本業若舍了本業却去分外貪圖妄謀利欲志向不定致將本業拋荒就流為遊手好閒之徒故第十條要務本業以定民志自已作定一業若不好訓子弟恐其不守本分為非作歹作父兄的須要訓誨或讀書或工藝自有本分事業不可非為第十一條要訓子弟以禁非為若能照前邊幾條作去就是良善的百姓誠恐地方刁棍生出事端妄扳捏告拖累破家故第十二條要息誣告以全善良百姓雖不去為非作歹常有意外事情株連牽告即如逃人一項無事致累籍沒流徙一時不慎追悔何及故第十三條要誠匿逃以免株連百姓種了

朝廷田土收了籽粒應納錢糧自該依時輸將何待有司微比不徒累及有司考成自已還要加倍費錢受苦故第十四條要完錢糧以省催科功令最重盜案一處失盜貽害不淺只因好歹混淆難以稽查若百姓自相團結互相覺察盜從何生故第十五條要聯保甲以弭盜賊人幸生蕩蕩平平的世界與父母妻子完聚歡樂豈不快活便須愛惜身命不可輕生造孽以致家破人離即有冤對亟宜消釋何況小忿故第十六條要解仇忿以重身命

以上十六條總是

當今皇上念念要天下太平百姓安樂的意思所以設此條通行各

省勸導俱要遵依悔悟共承

康熙十八年浙江巡撫將

上諭十六條衍說輯為直解繕冊進呈通行直省督撫照依奏進鄉約全書刊刻各款分發府州縣鄉村永遠遵行

康熙二十五年議准

上諭十六條令直省督撫轉行提鎮等官曉諭各該營伍將弁兵丁併頒發上司各官通行講讀

康熙五十二年議准直省老人慶祝

萬壽聖節

賜宴後恭奉

上諭應載入

上諭十六條內行令直省府州縣及凡上司地方照例於月朔并行講解

諭直省老人帝王治天下發政施仁未嘗不以養老尊賢為首務今日之會特出厚意若孝弟之念少輕而求移風易俗其所厚者薄矣爾等皆是耆老比閭鄉井各曉諭鄰里須先孝弟倘天下皆知孝弟為重此誠移風易俗之本也昨甘霖大降朕心大悅爾等無負農時求回本地

雍正二年

御製

聖諭廣訓萬言頒發直省督撫學臣轉行該地方文武各官暨教官衙門曉諭軍民生童人等通行講讀

雍正七年奏准直省各州縣大鄉大村人居稠密之處俱設立講約之所於舉貢生員內揀選老成者一人以為約正再選樸實謹守者三四人以為值月每月朔望齊集鄉之耆老里長及讀書之人宣讀

聖諭廣訓詳示開導務使鄉曲愚民共知鼓舞向善至約正值月果能化導督率行至三年著有成效督撫會同學臣擇其學行最優具題送部引

見其誠實無過者量加旌異以示鼓勵其不能倡率怠惰廢弛

者即加黜罰如地方官不實力奉行該督撫據實參處乾隆元年議准直省督撫應嚴飭各地方官將約正值月宣講

聖諭之處實力奉行不得視為具文

又議准直省各州縣於各鄉里民中擇其素行醇謹通曉文義者舉為約正不拘名數令各就所近村鎮恭將

聖諭廣訓勤為宣講誠心開導並摘所犯律條刊布曉諭仍嚴飭地方官及教官不時巡行講約之所實力宣諭使人人共知倫常大義如有虛立約所視為具文者該督撫即以怠荒廢弛題參照例議處

乾隆二年議准約正值月原令州縣官於各鄉舉行不論士民不拘名數惟擇其人以行化導之事自宣講

聖諭廣訓之外並將

欽定律條刊布曉諭比年以來屢經嚴飭地方官及教官實力奉行但恐各省之內尚有未及刊布之處應再行令直省轉飭各州縣摘取簡明律例並和睦鄉黨之

上諭彙刊成冊酌量大小各鄉村徧行頒給仍令州縣各官董率約正值月勤為宣講該督撫嚴加查察毋視為具文
乾隆三年議准本年三月戶部欽奉

上諭一道恭釋

旨內事理原因民間富厚之家囤積錢米希圖漁利為富不仁并八旗之人不知櫛節無補生計上厯

聖懷反覆開導業經戶部刊刻頒發八旗各衙門內於五城內外通衢出示曉諭俾人人觸目警心並令八旗五城及順天府轉飭所屬州縣每逢朔望宣講

聖諭廣訓之後再將所奉

上諭明白講解切實曉諭俾兵民人等俱得領會庶可觸發其天良以副

聖主諄切訓誨之至意

乾隆五年奉

上諭從來爲治之道不外教養兩端然必衣食足而後禮義充故論治者往往先養後教朕御極以來日爲斯民籌衣食之源水旱之備所期薄海蒸黎蓋藏充裕俯仰有資以爲施教之道而解愠阜財之效尙未克副朕懷第思維皇降衷有物有則衣食以養其身教化以復其性二者相承而不相妨不容偏廢正如爲學之道知先行後然知行並進非劃然兩時判然兩事又安得謂養之之道未裕遂可置教化爲緩圖也今學校徧天下山陬海澨之人無不挾詩書而遊庠序顧學者徒以文藝弋科名官司以課試爲職業於學問根本切實功用所在概未暇及司牧者盡心於簿書筐篋或進諸生而譚舉藝則以爲作養人材

振興文教其與閭閻小民則謂是蚩蚩者不足與興教化平時不加迪訓及陷於罪則執法以繩之無怪乎習俗之不淳而詬誶囂凌之不能禁止也朱子云聖人教人大概只是說孝弟忠信日用常行的話人能從上面做將去則心之放者自收性之昏者自明此深探立教本源至爲切實蓋心性雖民之秉彝而心爲物誘則放性爲欲累則昏存心養性非知道者不足與幾若夫事親從兄則家庭日用人人共由孩提知愛少長知敬又人人同具不待勉強要之堯舜之道不外乎是卽如一食必先以食父母得一衣必先以衣父母此卽是孝能推其心而凡所以順其親者無不至則爲孝子父之齒隨行兄之齒雁行此卽

是弟能推其心而凡所以敬其長者無不至則為悌弟一人如此人人從而效焉一家如此一鄉從而效焉則為善俗孟子曰人倫明於上小民親於下又曰人人親其親長其長而天下平由是道也惟在上者不為提撕警覺則習而不察而一時之明不勝夫積習之漸染重昏錮蔽日入於禽獸而不自知任君師之責者奚忍不為之重申而切諭之也我

聖祖仁皇帝頌

聖諭以教士民首重孝弟

皇考世宗憲皇帝衍為廣訓往返周詳已無遺蘊但朔望宣講祇屬具文口耳傳述未能領會不知國家教人字字要人躬行實

踐樸實做去人倫日用正是聖賢學問至切要處堯舜之世比戶可封只是能盡孝弟放辟邪侈觸陷法網只為不知孝弟記曰將為善思貽父母令名必果將為不善思貽父母惡名必不果誠能如此存心豈復有縱欲妄行之事苟不從此處切實做起雖誦詩讀書高談性命直謂之不學可耳凡有牧民課士之責者隨時隨事切實訓誨有一事之近於孝弟則從而獎勸之一事之近於不孝不弟則從而懲戒之平時則為之開導遇事則為之剖晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必從此始凡吾赤子其

敬聽諸凡厥司牧其敬奉諸

又議准豫省民愚易誘少壯習于拳棒恐被邪教之人煽騙入夥宜嚴查申禁兼於每月朔望宣講

聖諭之時該地方官親身勸導將律內所載邪教妖言等各條定

例分晰講解並 雍正五年所奉嚴禁學習拳棒

諭旨朗暢宣讀俾知所警惕而不敢為非

又議覆雲南按察使張坦熊條奏令州縣教官宣講

聖諭廣訓化導愚民一疏查約正值月原于舉貢生員內揀選即

古閩師黨正之遺意正教官雖有化導之責但各州縣所轄鄉村鎮市勢難徧及且訓課諸生尙有不時講課之事

若令每季周行村鎮必至不能兼顧應照原議令約正等勤為宣講仍飭地方官與教官不時巡行稽查毋庸更易章程至大小各官凡遇士民吏役聚集之時公事畢後俱照前委曲開導兵丁令該管官弁於操演之暇詳切教訓各省義學令教習於生童課試之日諄諄訓誨實力奉行又議准應令州縣於各鄉中選擇老成公正眾所素服者授為鄉約免其雜差俾專心勸導如勸導有方三歲之中全無爭鬪命案者詳報藩司給匾獎勵
乾隆九年覆准現在所有申明亭俱行修整應將所奉教
民

勅諭繕寫刊刻敬謹懸挂並將舊有一切曉民條約悉行刊刻大榜俾郡邑士民瞻仰傳誦共遵

聖化而永沐

皇仁其舊有申明亭而現為胥役民人侵佔者查出悉行交官修葺至原無申明之處及傾圮僅存基址者毋庸糜費重建應令各該督撫即於該地城市通衢可以安置木榜之所酌量辦理所屬修理工料及添設木榜等費不得任聽該地方官借端科派應令各該督撫照例報明戶部工部覆議飭遵再查申明亭舊制凡不孝不友及一切為惡之人書其姓名於亭能改過自新者則去之應仍照舊制遵行

又覆准直省督撫應將謀故鬪殺創墳奸盜等類及事關倫常風化並將各地方風俗所易犯法律所必懲者諳懇明切刊刷告示每年分發所屬府州縣轉飭各鄉約正值月於每月朔望宣講

聖諭之後務必實心宣諭勸誡使之家喻戶曉戒懼常行地方有司不得視為具文

乾隆十一年議准三齊等三十六寨番民歸隸茂州管轄應于該寨適中地方設立講約處一所每月朔望該州暨儒學等官輪流前往督率在城約正帶同通事至該寨傳集番民宣講

聖諭廣訓其整飭地方利弊文告及律例仍擇取數條繹講務令家喻戶曉咸知畏法

又議准各省督撫應將有關於忠信孝弟禮義廉恥扶尊抑卑正名定分等事擇其明白淺近之詞刊刻告示每年分發所屬府州縣衛於大小鄉村徧行布貼並轉飭各鄉約正值月朔望宣講

聖諭之後卽以方言諺語爲愚民講說至

上諭十六條內擇其輕重緩急分別四時輪流布貼之處惟在該地方官因地制宜隨時辦理要期於不涉虛文亦不必拘以一格再州縣官員每年於境內通行徧歷逐一體察不

必限以一月一次府道大員按季巡查隨時隨地加以教化不必以教職代行徒滋繁擾

乾隆二十三年議准導民當祛其所惑禁惡在先絕其源應令各直省督撫轉飭所屬州縣嗣後宣講

聖諭必須實力奉行除每月朔望二次宣講外或於聽訟之餘以及公出之便隨事隨時加以提命不妨以土音諺語敬謹詮解明白宣示並將現禁一切邪教等律例詳細刊板刷印徧貼城鄉俾知奉公守法各安耕鑿倘仍有奸民斂錢賽會私立淫祠或託言用符治病誘民遠來入會等弊卽嚴行查拏按律治罪

乾隆四十二年覆准民間最爲易犯之條莫如姦盜及鬪毆人命等項而姦淫鬪殺之中關係倫常罪名綦重鄉曲蚩愚尤未必盡能通曉往往身陷於法追悔無及應飭各省督撫將律例內民間易犯奸盜鬪毆人命各條令各該省臬司刊刻告示并各就其民風習俗所近臚列詮釋印發各州縣張貼鄉城通行曉諭每年春令更換一次仍令地方有司督率鄉約明白宣講使鄉邑之中輾轉傳述互相勸勉以明共臻無刑之治

乾隆五十年陝甘總督福康安奏准陝甘二省回民較多仰蒙

聖澤涵濡以養以教馴其桀傲之氣即可化其頑梗之風嗣後每

逢朔望應令各屬州縣召集回民同漢民一體宣講

聖諭廣訓俾咸知孝弟睦婣以資化導

又議覆工科給事中孟生蕙條奏順天大宛兩縣暨五城地方應一體宣講

聖諭廣訓一摺查各省州縣於每月朔望宣講

聖諭廣訓原爲僻壤小民鄉愚無知之徒不知禮儀法度使其耳濡目染知所感化京師爲首善之區內城居住者多係旗人自幼無不講讀

聖訓卽土著居民生於輦轂之區一切政令禮法咸所聞知若於

城內講讀

聖訓聚集多人徒滋紛擾自可毋庸辦理至大宛兩縣向來原係每逢朔望講讀

聖訓近來恐有奉行不力者而五城所屬地方遼濶恐鄉愚小民不克周知應請交順天府五城遵照舊例辦理

嘉慶二年大學士會同議准兩廣總督吉慶等奏廣西西隆州等處苗民善後事宜內開請宣講

聖諭廣訓以敦風俗一款據稱泗屬僻處邊隅民情未免獷悍果能化誨有方未始不知改革卽如西隆州屬村寨初被黔苗誘脅幾至十之六七迨至宣揚

聖德示知

天威將利害二字詳覆曉諭無不翻然悔悟革面洗心查各學教官職任清閒籍隸本省言語風俗大概諳知應請將

聖諭廣訓十六條令該教官按季恭賚鄉周巡一次每到村寨諳諳宣講務使民日遷善風俗還淳仍令宣講傳至村寨按季通報責成知府督率稽查倘虛應故事及稍有擾累卽行叅究等語查泗城府屬僻處邊隅民情獷悍自應如該督等所奏按季宣講

聖諭廣訓以取易俗移風之效

嘉慶四年奉

上諭昨候補知府那英押解教匪首逆高均德及高成傑到京據稱高均德在途心懷畏懼不肯飲食經伊等用言哄誘告以到京必可邀恩釋放仍令回至川陝隨同官兵打仗高均德聞而欣喜並於沿途驛站索銀積至五百餘兩且給與抬夫所積存銀兩擬於釋回赴軍營時作為犒需等語高均德身犯大逆重罪一聞解官哄誘之言即深信不疑而沿途所在地方官慮其不食餓斃干係處分給與銀兩尙無不合但高均德竟不知所犯係必死之罪亦可謂下愚不移矣因思愚賤之民敢于聚眾謀逆罪由自取而揆其罔知法度之由則係地方官平日不能化導所致各

省地方有司每逢朔望有傳集民人宣講

聖諭廣訓之事如果膺民牧者能教以大義於國家設立科條摘

其大端剴切宣示俾圖聽之民知所領悟則不但循謹善良聞而忻慕即桀傲不馴之徒亦當知所斂戢今高均德係倡亂首逆抗拒官兵伊即毫無知識豈於謀反叛逆萬無可赦之條亦竟不知乃於拏解在途竟作倖生之想在此等悖亂之徒同於禽獸原無足惜而覈此情節其愚鈍無知轉覺可憫致治以教化爲先如論語所云道德齊禮有恥且格固難驟期其效但地方大小官員有教育斯民之責豈可視爲迂闊置之不講嗣後不但朔望宣講

聖諭廣訓當明切講論，卽公堂聽獄，赴鄉勸農時，皆可隨時訓導，啟發顛蒙，庶默化潛消，可漸收移風易俗之效，毋得視為具文。虛應故事，特此通諭，各督撫督率所屬，實意奉行，於化民成俗之道，朕實有厚望焉。

嘉慶五年奉

上諭給事中甘立猷奏請于京師地方照例宣講

聖諭廣訓一摺，朕於上年曾經降旨，令各省有司，每逢朔望，謹將聖諭廣訓，剴切宣示，俾小民知所領悟。各地方官員，自應實力奉行。况京師爲首善之區，尤宜先爲開導，以期化行自近。嗣後著五城順天府、大興、宛平二縣各官，選舉鄉約耆老於

朔望之日，齊集公所宣讀

聖諭廣訓按期講論，毋得視為具文。日久廢弛，以副朕化民成俗至意。

嘉慶十三年，御史史積中奏稱

聖諭廣訓十六條，舊令地方大小官員朔望宣講，但遵行已久，非明示勸懲，致恐廢弛。應令督撫大吏詳加攷覈，有實力宣講者，量加獎勵，如視為具文，不認真宣講者，卽爲叅核。八旗則責令各都統查明，舊定章程，遵照舉行。又各省文章入學覆試，有恭默

聖諭廣訓之例，鄉會大典宜一體辦理，其文章府縣考覆試亦照

入學覆試之例恭默至

各咸安官學及八旗各學亦令該教習照直省府州縣各學之
例于朔望日傳集官學生恭默

聖諭廣訓一條等因具奏奉

硃批大學士會同禮部議奏遵

旨會議該御史所奏宣讀

聖諭除令地方大吏考覈及八旗都統遵照二條業蒙

聖明指示各應欽遵辦理毋庸再議外至該御史所奏請鄉會

試二場添默

聖諭廣訓一條雖為薄海士子熟習

聖諭起見惟是

聖諭廣訓生童自髫年讀書咸知服習故于入學時令其默寫蓋

欲其童而習之涵濡日深立法已為周備各士子等惟當

身體力行自徵實效似不必于鄉會兩試重立默寫之條

至於府縣兩試及院試均屬考試童生院考時既定例恭

默則府縣兩試不必再令重默再查國子監現行學規凡

每月朔望令八旗教習率官學生赴監當堂背誦

聖諭廣訓生疏者即行申飭仍令該教習等每遇試期於官學生

內年歲稍長者詳細講究俾共知曉等語是旗人自幼亦

無不講讀

聖諭者所有該御史奏請令教習朔望講課一節既係現行之條亦毋庸議

嘉慶十四年奉

上諭御史周鉞奏請復講約舊例實力奉行以敦風化一摺順治年間

欽定六諭又康熙年間頒發

上諭十六條雍正二年復頒發

聖諭廣訓通飭各直省地方官於每月朔望剴切宣講務使鄉曲愚民共知其善仰見

列聖關心民瘼教養兼施所以為世道人心計者至深遠也牧令

為親民之官向例計典屆期各州縣有能宣講

聖諭實力奉行該督撫即列入卓薦之內原以該員等有教民之責承流宣化正藉此以鼓勵典階乃近年以來各地方官歷久懈生率視為奉行故事竟至日形廢弛所謂化導斯民者何在嗣後順天五城所屬地方並各直省督撫所屬州縣務當飭令一體恪遵舊例於每月朔望日傳集城鄉居民敬將

聖諭各條曉諭宣讀行之以實毋得視為具文庶民風丕變治道益臻上理

附刻

國朝楊相國字潛庵巡撫江南時札諭

古昔盛時士有庠序學校以樂其羣民有比閭族黨以萃其渙禮讓興行風俗樸茂邇來教化不明人心陷溺父兄之訓戒不先里黨之薰陶無素因之一善未聞多以惡敗至於犯法有司輒執三尺以繩之輕則杖笞重則絞斬每歲讞獄之章常至千餘本院昔承乏綸閣閱諸曹奏牘每至大獄輒反覆不置竊歎誰無父母誰無妻子一旦身罹刑辟莫能救助為之泣下夫先王以刑弼教非以刑為教也一言不教而惟刑是加豈父母斯民之意乎今奉

命撫吳見俗尚奢華人情囂詐許訟見於宗族仇殺起于比閭

泰伯季子之風微而專諸要離之習勝欲挽回末流馴致循良條約頻頒未見省改中夜思維人心本善豈盡下愚不移從容漸摩自當感動鄉約之法最為近古恭讀

上諭十六條

聖人之言廣大精微修身齊家之道遷善遠罪之方總不外此官吏定期每月朔望會集士民於公所其鄉鎮等處各擇一空閑祠宇選年高有德為鄉人所重者敬謹講說務要明白痛切使人感動平居無事則互相叮嗚一有過失則彼此詰責共存天理共守王法孝親敬長講信修睦敦尚樸實解息忿爭無負

聖天子尙德緩刑化民成俗至意

內大臣兵部尙書兼都察院右都御史總督四川等處地方

軍務兼理糧餉管巡撫事嘉勇男加五級紀錄十一次

福爲嚴飭設立專司宣講

聖諭以敦風俗以重考成事照得牖民所以善俗而分職期于效

能我

皇上敬

祖法

祖子惠羣黎闔澤覃敷太和翔洽以

睿知聰明之

聖致勞來匡直之休海宇山陬無不醕風下播唐虞三代之治

何以復加乃川省蚩氓獨多不靖致有囑匿名目肆行搶

劫寢至拒捕逞兇蔓延他省其餘作奸犯科扞法觸禁比

比而然每年秋審多至數百餘案良由地方有司化導未

周鄉僻小民罔知法紀逞其囂凌之習遂致自蹈刑章未

必凶惡性成甘心匪僻也伏讀

聖祖仁皇帝聖諭廣訓十六條仁至義盡剴切詳明所以正人心

而維風俗者鉅細本末無不兼該所在各省實力奉行宣

講誠能殷心訓飭動其天良士民日積月累必有能變之

者本部堂下車伊始訪知蜀中自興軍以來此舉東之高

閣何怪閭閻之間毫無儆省之思讀法垂諸古訓而實政必貴專司若僅令地方官於朔望之辰鳴鑼張蓋前詣公所禮生鄉約捧讀一周闕然各散講者不晰其義聽者不得其詳欲令觀感自新其可得乎且各州縣身任地方簿書鞅掌責令時往鄉間家喻戶曉勢亦實有難行唯教職一官本省詮選語音俱各相通該員等名爲木鐸師表一隅才具可勝民社俸滿例應保舉自應留心講究出力習勤使之勸諭鄉民藉以課其才具順俗向方似爲甚便合亟飭議爲此牌仰布政司會同按察司各道立將教職如何分別季分月分前往各鄉敬謹宣講並將律例中搶竊

強盜抗官奪犯賭博私宰等事如何摘出另成卷帙一并請解務使淺譬曲喻共爲通曉俾使悅耳信心動色告誡以期俗樸風醕不致無知誤犯其下鄉一切夫車飯食作何責令州縣捐備某時前來某鄉如何隨時具報勤惰如何懲勸功過作何考覈民行日新如何優保鄉民仍有觸法作何查叅均卽逐一妥議限十日內詳候查核本部堂行將入告毋得視爲空談稍有率忽速速此札

該四川布政使司查禮按察使司孫嘉樂鹽茶道林備川北道明安署川東道時昇額建昌道陳奉茲署松茂道段玠永宣道劉晉棠欽惟

聖諭廣訓一書由十六條而演為萬言誠

列聖牖世覺民之心法普天率土億萬世臣民共獲欽依行之罔

斃四川通省府廳州縣向亦謹依

功令每月朔望各就城市公所齊集宣講原不遽易家喻戶曉且刑錢案牘既易分心尤易分身間有良吏幹才尙不免于作輟其在循分供職者幾將正德厚生之實政視為條教號令之虛文近來川民氣習囂競獄訟繁興動干大法良由地方有司化導未周之所致今蒙

憲台量官課職因事制宜專飭教職臨鄉宣講實化民成俗澄本清源之良法善政本司道公同移議彼此籌商應

請通飭各屬如府縣同城共設教職六員或四員及州縣設有教職二員俱定為每月分往四鄉敬謹宣講一周若單州小縣僅設教職一員其幅幘在百里以內者亦按月挨鄉巡講或往返路在二三百里以外者即令按季周歷一次此外尙未設有教職如重慶府屬之江北廳敘州府屬之雷波廳雅州府屬之打箭鑪廳天全州雅安縣及直隸之西陽州屬之秀山縣並新設之理番廳亦由該管府道按季于鄰近額設教職兩員之處輪委一員巡講周徧總期訓俗型方不失古遺人以木鐸徇于路之意各該廳州縣按計道里遠近村屯多寡預擇公所示定確期資給

教職舟車飯食等費依期前往所到之處一切地方大小公事民詞全不預傳同該處齋長並士民人等敬將

聖諭廣訓明白剴切宣畢再將摘錄律例中賭博鬪毆搶奪強劫竊盜窩匪抗官奪犯逆詞邪教偽印假官私鑄私硝宰牛唆訟姦拐一切民間易犯條款一切講解均須常言俗語淺譬曲喻或切指土風或旁引近事務使村農市販老嫗稚子傾耳警心生其廉恥之真動其身家之愛即令該教職將本季本月宣講過地方日期牒報該廳州縣每逢朔望仍同文武即未赴鄉之教職在城齊集宣講實力奉行毋致虛應故事即官因公下鄉順便亦即董率教職共相

反覆宣講不嫌重複藉以稽查教職勤惰該管府道直隸廳州挨次確查密訪該教職或辦理認真或虛文塞責隨時分明詳請記功記過以示勸懲其所教之處果能不犯賭盜逞兇聚眾等案一遇外來匪徒入境即行查出舉首毫無藏匿者是民行日新教化有效請將該教官行文獎勵記入擋案於

訓典卓異或俸滿保薦倘所教之地仍前為匪犯法之案並無減少請將該教官嚴行申飭如何年之後毫無成效即將該教職甄別查叅宣講

聖諭廣訓既令概用常言俗語本司道現經逐條會議讀令常言

成卷似可稍資各教職觸類旁通推廣宣講之法又民間易犯律條亦經本司道摘錄成卷隨案附賚是否有當理合具文會詳呈請

憲台俯賜查核如蒙鑒定批允並將川省恭藏

聖諭廣訓原板敬謹刷印裝釘再行通頒府廳州縣暨儒學各一

部並將現擬之讀令常言及民間易犯律條分別刷印隨同給發一並流傳交代實為公便等情奉

總督部堂福批教職專司宣講據擬按季按月挨鄉周歷未設教官各廳縣另于鄰近輪委均屬周到妥協

聖諭廣訓闡為常言俾令通俗易曉及摘錄律例各條亦俱簡當

加詳卽速通飭遵行惟查善教難期速效良法務要力行川省疲玩成風稽查稍有未周鮮不視為具文置之高閣是在該司道實認定此事實為訓俗型方要政隨地隨時加意稽察無論鄉村偏僻法在必行一有懈弛立加詳揭俾勤者知勸惰者知懲治法治人交相為用而持之以久將見民行日新刑章可措上以慰

九重慈惠之仁下以錫萬姓恬熙之福本部堂實有厚望慎勿始勤終怠一暴十寒轉請于迂疎寡效也此繳

兵部尙書兼都察院右都御史總督四川等處地方軍務兼理糧餉管巡撫事忠勇巴圖魯常為通飭遵辦事照得

懸書示範固為設教之準繩明理正心必待童蒙而學習故龍門講學化洽黔黎精舍橫經讓敦閭里然而性情各異良莠不齊欲其趨向之端必先啟發其本但五經四子理奧而難窺三字于文易讀而無益欲其中孝弟農桑錢糧保甲息訟黜邪化頑立懦人情日用之事無不備載易知易行讀而有益者誠未有若

聖諭廣訓一書者也所有內載

訓典十六條辭約理賅言近旨遠於啟發感興之道最為深切詳明故定例令各該地方官於朔望日明宣講並於歲科兩試以及錄科考遺復令新進童生暨貢監等默寫所以

正人心而厚風俗法至善也本督部堂下車之始即率同司道刊刷

聖

諭廣訓後義檄發通省地方官率領各該處師生紳士人等實力分段宣講久經通飭遵行在案惟是每逢講期就聽者在讀書明理之人自能佩韋恪守身體力行而氓之蚩蚩不知世務者未必即能深曉其義即或稍有知覺警悟于心久而漸忘仍若秋風之過耳况鄉市分講僅于一月中宣講數次豈能時時領會而窮鄉僻壤亦恐不能周知是則徒有虛文仍無實效本督部堂再四熟籌每見世俗童子無論貧富束髮受書之時為父師者多令其讀三字經

千字文等書雖句讀簡捷易於成誦自是而進未始非進德修業第貧窮之家不能以詩書爲業者方學伊唔卽行不親不獨特此處世之道嘗然不解甚至無所不爲敗倫犯法此雖教化所難馴亦當日父師未端其本故也今本督部堂欲令通省府廳州縣將

聖諭廣訓衍義一書印刷多本給發各該屬城鄉市鎮一切官學

義館凡有子弟就學發蒙受書之始先必以此書與讀以爲根本童而習之終身可記俾知識開時卽明禮義不致漸染澆漓之習導其愚頑以爲良善在力學者克已潛修臨場默寫既不致蹈懷挾之弊一至飛黃騰達卽可爲

聖朝楨幹之全才而改業者或農工或商賈亦可安分守法保其

室家並可望其轉相傳述化導顛蒙較之懸鐸振鞞者不亦功效速而教易行乎該地方官更宜首先倡義捐置義學延師訓誥凡窮民子弟力不能讀書者使其就學卽讀是書明爲講解從此家習戶誦朝斯夕斯則雖村夫牧豎目染耳濡亦必能口誦其詞心領其義似與偶然聽講者尤覺切近而易行然總在該地方官實力實心奉行無懈仍于因公下鄉之便親赴書院視師生能講解者予以獎勵不能者卽以記過以冀自新務期均明大義悉歸善良自是日盛月新始終如一不但氣質變化比戶穆雍卽

壤讓畔之高風未始不可再見於今日也誠能如是庶足以仰副

皇上諄諄訓誡化民成俗之至意而本督部堂闡揚之初心亦更可稍慰矣除行布按兩司按通省各廳州縣約計若干本先行刷印並出示曉諭外合就札行爲此札仰該縣卽行遵照辦理立卽自備紙工專差赴司刷印領回散給誦習其有設立鄉學各處亦一體散給一面出示剴切曉諭並傳齊各該處紳耆申明大義鼓舞作興俾各樂於從事以冀有成行之既久將見政簡刑清化行俗美該員等亦可藉以報循良之績矣勉之望之仍將辦理緣由並設立義

學處所或向未設立現須遵札辦理之處先行稟覆毋違

此札

嘉慶二十一年十二月十九日札

聖人治世之書莫大於典謨訓誥莫詳於周禮周官尤莫切於我

聖祖仁皇帝

世宗憲皇帝

聖諭廣訓一書其事日用行習其人比閭族黨而其理則函天蓋地範圍不過曲成不遺納千萬世之風俗人心于軌物仁讓之中而莫之或易書言惇敘九族平章百姓馴至協和

萬邦黎民於變時雍此物此志也明自東髮受書即敬謹
肄習服官以後遵奉

功令朔望宣講期于修己治人均有裨益惟是聖人之道愚
夫婦可與知能而溯其微言奧義則雖老師宿儒有終身
尋繹之莫能罄者宣講之時不過依文莊誦恐聞者未必
能解又不敢妄加詮釋皇然歉然積有年所撫黔時博加
諮訪乃得有

聖諭廣訓衍義一書查係雍正丙午河東運同王名又樸所撰擬
編次體例備極嚴謹句櫛字比若道家常以布帛菽粟之
文闡博大精深之旨藉以追溯津途涵泳

聖澤仰見

作述相承

心源一貫

聖以繼

聖

經以注

經曠若發蒙昭如揭日矣明口誦手脈摹印萬本以貽黔之士民
至今家有其書蒞蜀以來欲循故事篋中僅有存本復加
校勘載付剞劂悉照黔刻王本之式非惟不敢掠王之美
並欲俾王當日所以揆揚

天藻摹繪

日月皇皇翼翼一片宣

化覺民之意展帙如或見之明故不惜廣為印發期于多多益善

明竊以謂蒞官行法教化為先教化既行然後風俗醇厚民鮮犯法川民負性尚氣往往干犯名義自罹罪罟且有悍然不顧敢於作奸犯科慙不畏死者豈果山水之性使然抑為上者教導不預及教之不得其道或作或輟未能使之家喻戶曉優游饜飫俾日改過遷善而不自知與果爾則不令直省官民

聖諭廣訓而知其義其道無從今與官師士民約無論城鄉村鎮

凡編入保甲地方一例散給議擇執掌宣誦之人約期宅地敬謹宣示老幼男婦咸使周知積日累月入耳會心冀有以陶淑其性情柔擾其血氣俾人人循理安分孝友睦姻庶可政簡刑清日增上理以仰佐

聖天子化民成俗之治是則我守土之官所當孳孳矻矻督率稽查而誘掖獎勸之不遑暇逸者也

嘉慶辛未仲春四川總督臣常明恭紀

兵部尚書兼都察院右都御史總督四川等處地方兼理糧餉管巡撫事徐示照得

聖諭廣訓為正本清源之書凡遇朔望官為宣講其有讀書之士

樂於勸善為人講解互相勸勉原為例所不禁惟川省人情浮動不務根本競尚奇邪往往假宣講

聖諭為名旁引異說或託鸞筆斂錢惑眾淆亂人心此等積習節節嚴禁等因欽此合行出示嚴禁為此示仰紳耆軍民人等知悉嗣後爾等每屆朔望靜候本縣協同文武各官敬謹宣講

聖諭廣訓及

四言韻語倘各鄉讀書士子樂於勸善於各里各甲廣為宣講必先引先賢格言以儆眾杜邪說以惑人如有引異言假託昇天以無稽之談惑眾斂錢藉宣講

聖諭為名以行巧詐者許在場聽聞之人立時扭稟懲究以遏邪風而正民俗各宜凜遵毋違特示

右諭通知

咸豐元年十月二十日曉諭全省

四川全省總督部堂黃 通飭全省宣講等項札諭查淫詞小說最為風俗人心之害本干例禁于宣講一事原屬化導鄉愚自應永遠遵行今該州奉行不力各廳州縣均係有名無實其何以厚風俗而正人心仰布按兩司即便通飭各屬嚴禁書坊刊賣淫書將舊存之板片繳官銷燬並諭紳耆各就居住之鄉村市鎮公舉品行端方聲音宏

亮之人每逢場期宣講

聖諭條約以廣教化並即遵照辦理毋違特示

咸豐五年八月日札



第一訓 孝順父母

第二訓 尊敬長上

第三訓 和睦鄉里

第四訓 教訓子孫

第五訓 各安生理

第六訓 毋作非為

聖諭六十條

敦孝弟以重人倫	篤宗族以昭雍睦
和鄉黨以息爭訟	重農桑以足衣食
尚節儉以惜財用	隆學校以端士習
黜異端以崇正學	講法律以儆愚頑
明禮讓以厚風俗	務本業以定民志
訓子弟以禁非為	息誣告以全善良
戒逃匿以免株連	完錢糧以省催科
聯保甲以弭盜賊	解仇忿以重身命

緣起序


州縣之有宣講所為朔望講約而設蓋卽周禮懸書讀法之意孟子云申之以孝悌之義又云修其孝悌忠信夫申之修之者亦卽宣講之意也所以正人心厚風俗垂爲令典久矣顧地方有司率因困於案牘日不暇齊而鄉閭士庶又或具文視之徒皇皇然謀教育之普及其曷能乎今

天子明詔屢頒預備立憲將以增進人格陶鑄
國民識者有見於宣講所之用法良而收
效捷也始稍稍賡續焉德州城鄉各一所
皆紳者就地籌辦分任講員亦庶幾慰情
聊勝者歟會以歲旱祈雨而大興鄉講員
等獨矢願刻印宣講集要一書以致禱獲
甘霖適愜農望爰醵剗之費謀付手民
而以石印原書牘請弁簡檢其書則彙集

列祖聖諭旁及神道設教諸格言埒以圖說事
不外乎日用行習語皆足以警曠振聾洵
善本也刊布而廣其傳使聞風興起爭目
濯磨人人有自治之能力其所裨於立憲
前途者庸可量耶既嘉其願力之宏大而
尤喜其適用於是時也謹附跋尾之義識
其緣起以歸之惟時任其事者劉君琦桑
君松嶺陳君希會楊君省三曲君文潮永

善王君珂諸人也並書以旌善云

知德州事海州楊學淵跋



序

予州舊設宣講所鄉城各一每月朔望宣

講

聖諭城鄉士庶環列聽講事不外日用行習語

皆皆足以發瞶振聵其所以正人心厚風

俗者有自來矣戊申秋有同人以宣講集

要一書示予其書皆彙集

列祖聖諭旁及神道設教諸格言附以圖說詢

善本也因欲廣爲傳布恨力有未逮也斯
時適值海州 楊海峯刺史來守是邦殷
殷然以化民自任而尤慮教育之未能普
及也得是書以廣其傳何難使家喻戶曉
乎因倡捐巨資謀付棗梨時任事諸君執
是以請予亦少爲捐助藉附驥尾之末云
時

光緒戊申之秋德州駐防藍翎防禦 亨通謹跋

序

嘗聞上古之世天與民近中古之世天與
民遠是則天人感通之機亦因運會而變
歟然原夫乾元資始坤元資生人稟天地
之性以爲性卽分天地之心以爲心此中
固有息息相通而可以默爲感召者又安
有古今遠近之殊哉乃世有所祈禱往往
求之於天而天不應者非天遠乎人也實

人之所以用為祈禱以挽回天心者自遠於天耳何則天人相通者心性之理也而天所注望於人者亦即望其不失此理也是以古人祈禱皆有罪已責身悔過遷善之意即孔子不許子路之請而自明其禱之久亦足見平素存心養性以事天而為不禱之禱也如是以為禱天有不默鑒其衷者哉今世人立意發愿往往外此心性

之理而別求所以事天之事無感乎禱祀

無靈而天卒遠乎人也戊申季夏亢旱禾

苗枯槁而

劉松琦
陳希曾

君知上天之示警也因體

憲尊朔望講約之意立愿翻刻宣講集要一

書即以是獲降溥霖是書也前列

聖諭十六條逐條皆舉古今軼事以推演其理

後載神道設教之言誠有裨於世道人心

而為化民成俗之善本也以此祈禱有驗

維圖言集
是冥漠有靈卒不外此心性之感通而天
之於人果無時或遠也或者謂此不過適
逢其會未必爲感格所致然自古如耿恭
拜井王祥卧冰反風滅火蝗不入境等事
何莫非一念之精誠上邀天眷哉是則所
以感天者既不外此心性常然之理則適
然之事卽信爲常然也可而陳桑劉君又於德
境各處勸設宣講所以廣勸善之路善教

旣明善風斯暢將見

皇極敷言由此而遠播汙俗舊染由此而維新
人心旣正而天地之心亦正庶幾和氣致
祥雨暘時若舉世得常享豐穰之樂也予
嘉陳桑君此舉能識天人感通之理而又望
其孳孳不已推此與人爲善之心以至於
靡極也是爲序

古陵葉恩蔭雲卿氏謹跋

光緒三十四年戊申仲冬下浣



序

州地松嶺桑君希曾陳君因仲夏亢旱矢
 願祈禱得雨刊送宣講集要一書命余作
 序余不自揣敬陳卑意夫天地之大德曰
 生天地之居心曰仁故天地生萬物無不
 施其仁而於人爲尤切有生之初盡畀以
 五常之理以成性旣生之後復贍以百穀
 之美以養其身天地之於人猶父母之於


子心心相印而無所捍隔者也是以邳隆
之世人心善良風俗淳美雨暘時若潤暄
得宜兆民登仁壽之域六合樂堯舜之天
及其衰也人心變詐習俗涼薄甚至逆理
悖天而乖戾之氣上薄霄漢下塞地府陰
陽於是乎迭沴災害於是乎並至而無識
者以爲天運適然非人之所能爲也試稽
諸往古商湯自責以致禱而傾盆何以立

至周宣恐懼以修省而旱魃何以斂迹或
曰彼天子之尊足感天地非吾儕小人之
事也如今桑陳二君特非我州之細民乎
而何以刻印善書默禱虔祈卽致甘霖沛
降耶夫以仲夏之亢旱諸生致虔以默禱
而天卽應之天心與人心本無隔闕於此
可見災害之來非降自天實人之自招亦
於此可見矣然但以拙見云爾非敢妄談

天人也。竊願同志者鑒察愚衷，恕僕之狂。

惑不至斥為異端，則幸甚。謹具鄙意以陳。

光緒三十四年戊申仲冬講員曲文潮序



六訓解

孝順父母

萬歲爺說：如何是孝順父母？人生世間，不論貴賤貧富，那個身子不是父母生的。爾等眾人，須要各各回頭思想：當日父母未生你時節，你身子在何處？可是在父母身上做一塊？不知你身與你父母身原是一塊肉、一口氣、一點骨血，如何把你父母看做是兩個？且說你父母如何生養你來，十個月懷你在肚中，十病九死，三年抱你在懷中，萬苦千辛，擔了多少驚恐，受了多少劬勞，冷煖也失錯，不得飢飽也失錯，不得但稍有些病痛，不怨兒子難養，反怨自己失錯，恨不得將身替代，未曾吃飯，先怕兒飢，未

會穿衣先怕兒寒，爬得稍長，便延師教訓，爬得成人，便定親婚，娶教你做人，教你勤謹，望你興家立業，望你讀書光顯，那曾一刻放心，若教得幾分像人，便不勝歡喜，若不聽教訓，父母便一生無靠，死也不瞑目，死也割不斷，父母這等樣心腸待兒子，看來今日這個身子，分明是父母活活分下來的，今日這個性命，分明是父母時時刻刻養起來的，今日這個知覺，分明是父母心心念念教出來的，滿身一毛一髮，無不是父母之恩，爲子的從頭一思想，如何報得及，到你的身子，日長一日，父母的身子，日老一日了，若不及時孝順，終天之恨，如何解得，我看今世上人，將父母生養他，恰似該當的，所以不能孝順，豈知慈烏也曉

得反哺，羔羊也曉得跪乳，你們都是個人，反不如那禽獸，可嘆！今人不孝順的事也多端，且只就眼前與你們說，假如父母要一件東西，值甚麼緊，就生個吝惜的心，不肯與他，父母吩咐一樁事，沒甚難幹，就生一個推托的心，不肯從他，奉承有勢利的人，無所不至，就是被別人罵，別人打，也有甘心忍受的，只自己父母罵了一句，就生一個嗔恨的心，反眼相看，又有一等人，背了父母，只愛自己的妻妾，丟了父母，只痛自己的兒女，自己兒女死了，號天動地，哭斷肝腸，爹娘死了，哭也不痛，還有假哭的，若是六七十歲，八九十歲的，死了，反以爲當然，何不將你愛妻妾的念頭，疼兒女的念頭，奉承勢利的念頭，回頭一想，此

真是豺狼畜生，天不容地不載，生必遭王法，死必入地獄。我今勸你們衆人，快快要孝順父母，孝順也不難，只有兩件事：第一件要安父母的心，第二件要養父母的身。如何是安父母的心？你平日在家裡行好事，做好人，不撞禍，莫告狀，一家安樂，父母豈不快活？教你妻妾教你兒孫，大家柔聲下氣，小心奉承，莫要違拗，莫要觸犯父母上面有祖父祖母，也要體父母的心，如親爹親娘一般，父母身邊有兄弟有姊妹，也體父母的心，好生加意看待，使父母在一日寬懷，一日這便是安父母的心。如何是養父母的身？隨你的力量，儘你的家私，飢則奉食，寒則奉衣，早晚好生殷勤，遇時節作慶拜，遇生辰作祝賀，有事替他代勞，有

疾病請醫調治，這便是養父母的身。倘或父母有不是處，須要婉詞幾諫，使父母心中悔悟，不至得罪鄉黨親戚。父母或不喜我，至於惱怒，又要和顏悅色，不可粗言盛氣，以至激怒。或父母平時交好之人，請來勸解，務使父母回心。萬一天年告終，盡心盡力以禮殯殮，不可丟去古寺淹棄不葬。四時八節，以時祭祀，這都是孝順的事。今人不能孝順的，又有一個病根，他說道：「我本要孝順，怎奈父母不愛我，此越發差了。」剛纔與你們說，此身原是父母的兒子，與父母論不得是非，父母卽如天一般，春來發生，也由得天，秋來下霜，也由得天，父母生出來的身，好也由得父母，歹也由得父母，說甚麼長短，所以古人云：「天下無不是

的父母今世上人有一等極愚極蠢的人也曉得敬神拜佛也曉得供養菩薩却曉不得家中有個老爹老娘就是活神活佛活菩薩若肯發心奉養父母虛空神明默默護佑十分靈應此是實話況我亦有兒子我若不孝順父母我的兒子亦決不肯孝順我了古人說得好孝順還生孝順子忤逆還生忤逆兒但看簷前水點點不差移這個報應斷然不爽

尊敬長上

萬歲爺說如何是尊敬長上許大的世界許多的人民都無非只是
一個名分收管得定無非只是一個禮體安排得定名分就是
這個長上了禮體就是這個尊敬了長上不止一項如伯叔祖

父母伯叔姑娘兄弟之類便是本宗長上外祖父母舅母姨
妻父母之類便是外親長上鄉黨之間有與祖父同輩者有與
已同輩而年長者便是鄉黨長上如教學先生與百工技藝的
師傅便是受業的長上本處親臨公祖父母官各上臺衙門及
學校師長便是有位的長上這些倫理名分若天上地下一定
擺列都該尊敬他嘗聞先輩家風俗凡事長者說了卑幼唯唯
聽命近來風俗薄惡多是少年狂妄用事任意胡行見親長有
衰弱落薄者便不伏氣稱謂他見年高老成人便說道是古板
子不要放在眼裏見達官長者便說道休要畏縮奉承他只管
作大模大樣不該抗禮的也強與他抗禮以爲有氣岸殊不知

他年紀大似你行輩先似你識見多似你名位高似你你是卑幼他是尊長如何敢褻視他如何敢欺侮他假如他人輕忽你的祖父你必不喜下面人犯你你也不堪何不將你自己的念頭轉想一想再行著這點驕傲的心眼底無人必至越禮犯分做出放膽事來決非保身全家消息所以人生天地間除了孝順父母第二件就是尊敬長上尊敬如何行則隨行坐則隅坐有問則謹對有命則奉承當揖就揖當拜就拜逞不得一毫聰明倚不得一毫勢力這尊敬兩字又不是外面假做得的是一點謙謹畏懼的真心卽如今日你們心裏真有一點敬官府遵講讀聖諭的心這叫做尊敬若只隨班胡混沒有這一點真心

便聽些講讀總是故事口裏尊敬心裏傲慢如何成得必要心中真有這尊敬長上的心外面纔有這尊敬長上的禮貌假粧不得又有一等人假粧外面像個謙恭心中其實強很便要尋長上一個破綻定要與長上做一個對頭咬文嚼字無所不至這等樣人人面獸心到底干犯名義成了名教中罪人你們各各思量快要拔去那不尊敬長上的真病根方好且我能凡事守禮加謙謹一分尊長必然愛重鄉黨必然稱譽後生必然效慕終身終做得個好人若帶些傲慢輕薄鄉黨誰不惡你遠你那個服你縱然才高發達去了亦終做不得人品古人說得好愛人者人恒愛之敬人者人恒敬之我今日雖是子弟他日就

是長上，我也將受別人的尊敬。今日我若不肯尊敬人，後日人亦決不肯尊敬我，將如之何。

和睦鄉里

萬歲爺說，如何是和睦鄉里。宇宙間茫茫大塊，千村萬落，何所紀極。偶然與這些人生也同在一時，住亦同在一鄉，豈不是有緣。古人云：八百買宅，千金買鄰。可見鄉里最要緊的，雖不是親眷，到此那隔遠的親眷更相關切。雖不是兄弟，到此那不和好的兄弟更得幫助。有力有等不知事的人，只道各家門，別家戶有甚相干，不知田地相連，屋宇相接，雞犬相聞，起眼相見，一塊地土脫不去，躲不開。那一件能瞞得他，那一個能孑然獨立，況且是

非，也是鄉間間易得生冤家對頭，也是鄉里間易得結大凡人。家災禍多，從與人不和睦起。親戚不和睦，他還顧些體面，只有那鄉里不和睦，決定有災禍。所以鄉里關係最緊，決要和睦。鄉里却不同，也有做官吏的，極富極貴的，這是個強于你的鄉里。安你貧賤的，分小心尊敬，不可得罪于他。也有極貧極賤的，這是不如你的鄉里，存你一點憐惜的心，常常要看顧周濟他，就是趁工做小生理的，寧可與他足錢，不可剋剝他。遠年債負，還不來的，宜寬讓他。也有一種極兇極惡的，這是不好的鄉里，要謹慎防避他，却要以禮待他，憑一點至誠心，感動他，化導他。凡百事讓，他忍他，中間或更有一等賢人君子，為善積德的鄉里。

這是一方祥順百家師表、在你比鄰、更要日日去親近他、事事去請教他、待他要如父兄一般、敬他要如師長一樣、又有一等爾我尋常一般樣的鄰里、要你往我來、如兄如弟、早晚相見、必須謙恭、四時八節、婚葬慶弔、必須成禮、有事相托、有話相商、必須同心、有患難、必須扶持、有疾病、必須看問、有詞訟、必須盡心解散、不可搬弄扛幫、有盜賊火燭、必須協力救護、不可幸災樂禍、勿容六畜踐食人禾苗、勿容兒輩侵壞人墳墓、勿輕生以人命、傾人勿廢業、以賭博相戲、小有觸忤、置之不問、稍有過失、勸之使改、這便是休戚相關、一團和氣、纔成一個鄉里、這等樣人、鄉里中那個不愛你、敬你、稱贊你、你家有事、那個不來幫你、官

府見你尙義、亦自嘉獎你、况你出去相逢、個個是相好的、不消用得一毫心事、何等快樂、若你用一點機械心、待人人亦用一點詐害的心、待你時時隄防憂慮、何等苦楚、今人不能和睦、鄉里只是一個私心、惟恐他人高似你、殊不知你只該去做好人、自己向上、何必妒忌、別個若一村都好了、更有益、又有一等人、道讓了這一個、鄉里皆欺負我、便做不得漢子、定要爭勝、你試看那受用的人、多是能吃虧的人、又有一等人、見鄉里待我不好、就去怪他、古人說得好、他仇你不仇、冤家到底結不成、他不和睦、你只管和睦、一個愚一個賢、到底也有悔心的日子、若他仇你、你仇他、冤深害結、唇齒相連、必有一場大禍、豈是保身全

家之道我今且與你們說人在家間相處猶不覺得常想出外的人聽得一人似鄉里的人聲不問貴賤便相親密又在他鄉外見一人從吾鄉來便不勝歡喜此點心就是和睦的真心人若能以出外的心待鄉里中的人安得不好

教訓子孫

萬歲爺說如何是教訓子孫人家興也是子孫人家敗也是子孫古之人曾經說過有好子孫方是福無多田地不爲貧好與不好只爭個教與不教世上人那一個生下來就是賢人都是教訓成的那一個生下來就是惡人都是不教訓壞的也有大姓人家生出來的子孫辱門敗戶也有貧寒人家生出來的子孫立

身揚名可見全在教訓人生一世子孫是後程子孫不好任你有天大的產業無有受成眼光落地都做了一場話柄就是手藝人家也要一個接代的兒孫所以人家子孫要緊有子孫的教訓也要緊每常見人家父母心愛兒子定要好食與他食好衣與他穿不思量吃慣了好的穿慣了好的後來自家做止知精華慣了不知搏節賣田賣地從這等來又嘗見人家父母疼兒子怕他啼哭儘他要的便把與他儘他惱的便替他出氣不思量順從他慣了後來自家做人一概自由自縱打人罵人撞禍生事從這等來又嘗見人家父母喜歡兒子專一哄他非禮之言只管戲狎詭詐之事只管作弄不思量褻狎慣了後來自

家做人苟且歪邪奸盜僞詐從這等來及犯法到官身遭刑憲家業被他破敗祖宗被他玷辱父母兄弟妻子被他連累旁人羣聚而笑曰此是敗人家子孫今日也到這個田地那時父母割捨不得欲救他又不能悽悽惶惶只歎得幾口氣悔也遲了以此一想子孫如何可不教教子孫如何可不早古人云嚴父出好子又云桑條從小鬱趁他年紀尙小正好作主急忙教訓若等他知識大了便喚他不轉故人家子孫必自幼時便思他後日結果要時時教訓他但教訓却有個方法今人只曉望子孫強勝人不肯教子孫退讓少年氣習易得驕暴反被父母教壞了又有知道教訓的動輒要子孫讀書做官這也不是世

間讀書的多做官的少也有多少讀書仕宦的不能做一個好官也有多少耕田隱逸的自已成人替父母爭口氣子孫若賢不必做官做官要命這個是強不來的勸你們有子孫的好生教訓先教他做人教他做好人先教他存好心心是根本心好方得人好心好人好自然興家立業耀祖榮宗我今且分別幾等與你們說大抵子孫性資生來不同有等聰明的延師造就養他德業圖個上進以光顯門戶此是第一等美事有等愚鈍的恐讀書不成須教他務一件本分生理爲農也可爲工也可爲商也可但都要存好心做好人明倫理顧廉恥習勤儉守法度切勿遊手好閑切勿縱酒賭博切勿爭鬪打詐切勿教唆爭

訟諸如此類一一戒之方是個教訓又有一說佳朋好友與他相處自然會好浪子游徒與他相狎自然會不好古人云近朱者赤近墨者黑可見教訓子孫的畢竟要慎擇同伴要敬師傅以爲教訓根本更有一說平日家庭間子孫在眼前父母說一句話行一件事早早晚晚兒孫聽將看着一一都照個影子在心田裏所以古人有胎教又說言行要留好樣與兒孫若祖父母原是歪邪的人便把聖賢道理日日與子孫誚誚講子孫誰肯信他可見教訓子孫畢竟要先自學好這都教你們男子的話就是女子也不可不教今日我家女子他日是別人家媳婦做女兒時不會教得到做媳婦時學已無及所以也要自幼防閑教之以和諧訓之以貞靜如紡織厨竈井日之類皆當親執其事切不可圖安逸享用過了打奴罵婢熟了多言亂語性子輕佻了以致後來驕很毒惡搬弄口舌貽累丈夫辱在父母故人家不問男女教之不可不慎

各安生理

萬歲爺說如何是各安生理這生理二字你眾人雖順口說去還省得麼生便是人的生命理便是道理凡人要生必要循理所以叫做生理你百姓們那個不要生那有幾個肯循理所以說要安生理論生理也多俗語云道路各別養家一般如讀書便是儒士的生理耕田耕地農夫的生理造作器用工匠的生理買

賣經營商賈的生理。至若人無田地無資本又不能讀書不會做手藝就與人傭工挑脚也是貧漢的生理。各人只做自家本分事不去高心妄想這便是各安生理。大的有大成就小的有小著落。個個皆可度活。就是目前未必見好將來必有好的日子。如花木生在地上雖有早遲不同若勤力灌溉日至之時自然結果成熟。今有一等人這件已做得旁邊聞說別件更好便丟了去做那一件。一心想東又一心想西。千搬百弄到底一事無成。又有一等人不思前算後只說且過眼下那管得後來許多遊遊蕩蕩終日胡混。這樣人必然飢寒流落及至自家也沒擺布只得做歹事了。你試看賭博的下賤賊盜的那個不是沒

生理的人。以此思想便知生理一日丟不得。大凡人勤謹便生起好念頭懶惰便生起妄想頭。一個人有一件已事在身上他便無工夫去想別事。若閒行閒坐遇着一兩個沒正經人便做出無端事來。就是有富貴家子弟頂一家擔業亦不容易也要自家勞苦支撐方能成立。一生盡靠不得祖父語云爲人莫要心高。又云自在不成人。又云安常便是福。守分過一生這幾句說得極好。曾見許多走空頭的行險遭凶不如小買小賣的自在平穩。許多心高妄想的分外營求不如手藝會農田的長久安樂。古人又說的好萬事不由人計較。一生都是命安排。命運好做生理不求自至。即使命運不好做著生理也就將就過

活日子也省得許多心機弄巧成拙我勸你世人須要各隨本分各安生理安意爲之沒有三心兩意將自己生理丟了不管弄自家智術欲與那造化爭衡能被你勝了的我再與你們說破古人云食前方丈不過一飽大厦千間夜眠八尺休恨不如人人尙有不如你的就依你們平日所羨慕畢竟是讀書做官未問不讀書可能做官這爵祿不是容易想的那做官的人自有做官的生理除了讀書論生理莫若農田好了古人叫耕種爲人大本叫買賣謂之逐末若是有田的大家統領子弟奴僕勤耕勤種一粒落地萬顆歸家比買賣的利有千倍萬倍園中栽桑地上種棉有穿的了池中蓄魚園中蓄菜家中蓄牲有吃

的了便是天年水旱廣種薄收也有餬口眼不見官府脚不踏城市山中宰相世上神仙這也是最好的何必定要做官假如無田的人家租得幾畝典得幾坵勤勤耕種完了主人租落得幾斗米雖是粗茶淡飯到比那膏粱吃得有味雖是粗衣大布到比那錦繡穿的更溫妻子也不驕奢慣了兒孫也不遊蕩慣了那農田的真有許多妙處故論本分生理此爲第一手藝次之買賣又次之餘皆虛誑之事不該去習他

毋作非爲

萬歲爺說如何是毋作非爲這一句話是做官長的長教百姓們最切骨的言語一部大清律條也只爲這一句話做的如何叫作

非爲凡一切不善之事大小都叫作非爲一部大清律管杖流徒絞斬以至五逆十惡都是一個作非爲的樣子說不盡數不盡我今與你們指一個端的凡事千差萬差只思身上一念之差一個念頭錯起直錯到那悔不得的田地你看那枷的杖的問徒問軍累死他鄉的擬絞擬斬分身法場的那個不是心粗膽大一念差走了路到犯出官府也顧恤不得你你那時欲解救不得欲改悔不及只落得垂首喪氣甘受刑罰身名污了家業廢了父母妻子連累了子孫世世受辱不可湔洗了何苦做這等樣人其間也有利欲昏心不知是非而冒爲的也有識見未定被人哄誘的也有杯酒戲弄惹成大事的大抵善惡兩端

在慎于發初一念一念善則所爲無不是一念惡則所爲無不非方纔這等樣人皆自作自受埋怨著誰到這個田地方纔知悔不會到這個田地那曉得怕你們衆人各將自己心裏回頭一打點看一切非爲的心還是有還是無憑你瞞得人瞞得官瞞不得自己的心你自己的心昭昭明白天看見鬼神看見古人云人間私語天聞如雷暗室虧心神目如電此等說話字字真切你若道自己乖巧能欺官能騙人鬼神暗中隨著你走絲毫隱不得你不怕官不怕人不怕法難道鬼神也不怕天也不怕你不怕天天決不放你你不怕鬼神鬼神決不饒你不遭官刑也要折福損壽剋子害孫縱然生子生孫也是與你償的你

十
世
同
壽

十
世
同
壽

十
世
同
壽

看惡人子孫覆敗人人以為暢快以為有天理那個可憐他終久是害了自己你等閒居無事時夜半睡醒時念頭初起時仔細思量但有一點非為的心你自家打點不過難對人說的或可與妻子說不可使他人聞的或可與心腹人聞不可與天地鬼神告的作急回頭痛自省改這便是做好人行好事的根基古人云諸惡莫作眾善奉行又云但行好事莫問前程又云平生不作虧心事夜半敲門心不驚替你們千思萬想只是守著一個勤儉百事小心富貴長久可保貧賤逐時可度欺心壞法的一毫斷不可做牢記牢記

聖諭廣訓序

書曰每歲孟春道人以木鐸徇于路記曰司徒修六禮以節民性興七教以明民德此皆以敦本崇實之道為牖民覺世之模法莫良焉意莫厚焉

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於畊桑作息之間本末精粗公私鉅細凡民情之所習皆睿慮之所周視爾編氓誠如赤子

聖有謨訓民徵定保萬世守之莫能易也朕繼承大統臨御兆人以

聖祖之心為心以

聖祖之政為政夙夜黽勉率由舊章惟恐小民遵信奉行久而或怠用是誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啟後人使羣黎百姓家喻而戶曉也願爾兵民等仰體

聖祖正德厚生之至意勿視為條教號令之虛文共勉為謹身節用

之庶人盡除夫浮薄囂凌之陋習則風俗醇厚室家和平在朝

廷德化樂觀其成爾後嗣子孫並受其福積善之家必有餘慶其理豈或爽哉

署南鄭縣正堂于奉

漢中府正堂加二級王為遵行條奏事奉

陝西布政司張劄付蒙

撫學院牌案俱准戶部咨河南清吏司案呈七月十三日

內閣抄出大學士馬爾賽等條奏內閣該臣議得鄉約之設上

以廣朝廷之教化下以厚閭閻之風俗今直省各州縣皆于

城內設立鄉約每月朔望齊集耆老里長宣講

聖諭自疆宇遼闊人民衆多各鄉中尙有未設講約之所恐聽聞不

廣未能徧示訓行之意應令各州縣于大鄉大村俱設講約之所于舉貢生員內揀選老成有學行者一人以為約正再選樸實謹守者三四人以為值月每月朔望一鄉之耆老里長及讀書之人齊集一寬廠潔淨之所整治几案向北面立先讀

聖諭廣訓抗聲宣講使人鵠立悚聽然後約正推說其義剴切叮嚀使人警悟曉通未明者仍許其質問講畢于鄉內有善者眾推之有過者許值月糾之約正詢其實狀眾無異詞乃命值月分別其善者書之于記善籍惡者書之于記過籍約正耆老闕徧皆付值月收之歲終則考較其善過彙冊報之縣官縣官懲勸之有能改過者一體獎勵使之鼓舞不倦務期鄉曲愚民咸生

孝友敦睦之思以臻一道同風之盛奉旨依議等因奉此施行
雍正丙午仲夏河東陝西都轉運鹽司運同 臣 王又樸稽首頓首恭呈

四言韻語

奏為敬謹推闡

聖諭廣訓擬撰韻文仰祈 聖鑑事十月初四日內閣奉

上諭陳鑾等奉請敕下儒 臣 推闡

聖諭廣訓頒發各省等語向例各直省地方于朔望宣講

聖諭廣訓俾鄉曲愚民皆知向善良法美意允宜永遠遵行惟州縣地方遼濶宣講仍未周徧著照所請嗣後各省學政到任即恭

書

聖諭廣訓刊刻印刷徑行各學編給生童令人人得以誦習並著翰林院敬謹推闡

聖諭內黜異端以崇正學一條擬撰有韻之文進呈候朕欽定頒發各省飭令各該學政一並恭書編頒鄉塾俾民間童年誦習潛移默化以敦風俗而正人心欽此臣等敬謹于

聖諭內黜異端以崇正學一條推廣闡揚纂成四言韻文一篇恭呈御覽伏候

欽定謹

奏

敬闡

廣訓黜異端以崇正學一條

惟天生民	異質同性	界以五常	統乎百行	自凡及聖
無邪有正	本體既明	趨向乃定	惟聖覺世	振頑啟愚
防以刑政	迪以詩書	雷霆儆尸	日月照衢	提撕引掖
惟善之驅	緬思古昔	俗美化醜	豆觴知義	箕帚明倫
以忠于上	以孝于親	里因仁美	鄰以德薰	蓋因先民
正學是尙	戶謹師承	家遵蒙養	行不履邪	言不涉妄
聖教既昌	皇風斯暢	聿有二氏	曰老曰釋	老主清靜
釋宗寂滅	為教雖殊	其旨則一	今之異端	乃襲其說

嗟彼異端	何獨非民	不知父子	不知君臣	若飲狂藥
如隳迷津	離經畔道	與匪為鄰	匪之不除	邪說競作
偽託師巫	妄言禍福	結會傳徒	糾盟黨惡	使我良民
受其愚惑	惟民之愚	見異思遷	謂可成佛	謂可昇仙
教之不悟	信之愈堅	不惜軀命	無論金錢	嗟爾之軀
生自父母	望爾承先	待爾啟後	達固為榮	窮亦可守
奈何不肖	受其脅誘	嗟爾之財	辛苦所餘	累非朝夕
積自錙銖	衣食所賴	緩急是需	奈何被惑	罄其蓄儲
今為爾告	爾其敬聽	自來百邪	不敵一正	見睨雪消
遇霜草隕	身敗名隳	曾不轉瞬	不見異端	男女同室

廉恥道亡	綱常理息	如彼禽獸	豈容天日	一旦伏誅
悔之無及	不見異端	茹素念經	愚我黔首	亂我儒衿
生為民蠹	死受國刑	殃禍不救	祈祝無靈	不見異端
創立名號	敢肆諱張	自外覆幬	剪鴉于林	磔鼠在道
曾不崇朝	首領莫保	前車可鑒	覆轍當思	何看其教
更拜為師	念此蠢蠢	哀我蚩蚩	狂瀾不返	疇其拯之
乃飭疆吏	乃命守土	為爾去莠	為爾除蠹	殄此虺蛇
投畀豺虎	一警迷途	同歸覺路	自今庶民	各守爾義
農服耕耘	士修孝弟	商阜其財	工勤其藝	莫作非為
永保勿替	更告爾兵	武藝為先	冠不在美	衣不在鮮

武勇既備	禮讓並爛	毋蹈非分	謹守勿愆	矧今盛世
何生不育	化及昆蟲	澤被草木	飽煖有資	俯仰具足
幸生其時	太平可樂	勿干國憲	勿犯王章	各安本務
共享平康	秋田息蜡	春社烹羊	人其永壽	天亦降祥

孝弟以重人倫 第一條

我 聖祖仁皇帝臨御六十一年法 祖尊 親孝思不

匱 欽定孝經衍義一書衍釋經文義理詳貫無非孝治天

下之意故 聖諭十六條首以孝弟開其端首段言本行造

是之謂聖諭敦厚也勉也倫理也臨監管也御統理也欽敬也

定校定也孝經衍義將孔聖孝經推衍其義以成書也釋註解

也 朕丕承鴻業追維往訓推廣立教之思先申孝弟之義用是

與爾兵民人等宣示之二段本深體聖訓者以立言所以有廣

也宜明也徧 夫孝者天之經地之義民之行也人不知孝父母

也示告也 獨不思父母愛子之心乎方其未離懷抱飢不能自哺寒不能

自衣為父母者審聲音察形色笑則為之喜啼則為之憂行動

則跬步不離疾痛則寢食俱廢以教以養至於成人復為授家
室謀生理百計經營心力俱瘁父母之德實同昊天罔極三段
親恩以動其良心經常也義宜也行事也三句出孝經三才章
言天之為乾父不能外慈愛敬順為覆載之常地之為坤母不
能外慈愛敬順為順承利物之宜民生天地之中各與以慈愛
敬順之理不能外孝父母以行事也不能哺食母養也衣去聲
跬窺上聲半步也一舉足曰跬再舉足曰步吳豪上聲昊天元氣廣大之天也人子欲報親恩於萬一
自當內盡其心外盡其力謹身節用以勤服勞以隆孝養毋博
奕飲酒毋好勇鬪很毋好貨財私妻子縱使儀文未備而誠慤
有餘推而廣之如曾子所謂居處不莊非孝事君不忠非孝蒞
官不敬非孝朋友不信非孝戰陣不勇非孝皆孝子分內之事
也四段詮孝而歸于誠慤因引曾子之言以廣孝之全量萬一
萬分中一分也儀文外面禮套如曲禮少儀內則所載多有

慈謹也曾子所言皆不敬身之謂蒞臨也居官以臨民也至若父有家子稱曰家督弟有伯

兄稱曰家長凡日用出入事無大小眾子弟皆當咨稟焉飲食

必讓言語必順步趨必徐行坐立必居下凡以明弟道也夫十

年以長則兄事之五年以長則肩隨之况同氣之人乎五段詮

于敬順因引曲禮以推弟之全量冢大也家督家中督率事務

者伯長也謀事曰咨稟受命也肩隨凡事退後意十年四句見

曲禮言待大凡長我者且然故不孝與不弟相因事親與事長

同氣同一父母之氣而生並重能為孝子然後能為悌弟然後在田野為

循良之民在行間為忠勇之士爾兵民亦知為子當孝為弟當

悌所患習焉不察致自離於人倫之外若能痛自愧悔出於心

之至誠竭其力之當盡由一念孝弟積而至於念念皆然勿尚

虛文勿略細行勿沽名而市譽勿勤始而怠終孝悌之道庶克
敦矣六段合說孝悌為萬善之本正勉以敦之也循良循順也
守也言順理守法良善之民忠勇本愛敬之實心以敬忠
本服勞之苦節以敵愾當孝當弟是本性之明習熟復不已也
平日輕忽父兄之行習慣為常了致有逆之義有納之義痛自
悔愧聽請後真見得待親長有刻夫不孝不弟國有常刑然顯
薄處愈想愈痛而愧悔交集也然之跡刑所能防隱然之地法所難及設罔知愧悔自陷匪僻
朕心深為不忍故叮嗚誥誠庶爾兵民咸體朕意感發興起各
盡子弟之職於戲聖人之德本於人倫堯舜之道不外孝弟孟
子曰人人親其親長其長而天下平爾兵民其毋視為具文焉
七段此言 聖上作此一 條有無窮深愛屬望之意常刑永垂
不朽之刑也顯然指犯出者隱然兼在心與在家庭者陷匪僻
人人于非道偏邪猶身陷于井中也不忍必遭天誅也感感于
心發發于念興起興起于行於戲歎美詞天下平者天下皆孝

篤宗族以昭雍睦

第二條

子悌弟斷無犯上作亂之人
也其文猶言辨的一篇好話

書曰以親九族九族既睦是帝堯首以睦族示教也禮曰尊祖
故敬宗敬宗故睦族明人道必以睦族為重也夫家之有宗族
猶水之有分派木之有分枝雖遠近異勢疏密異形要其本源
則一故人之待其宗族也必如身之有四肢百體務使血脉相
通而疴養相關周禮本此意以教民著為六行曰孝曰友而繼
曰睦誠古今不易之常道者也我 聖祖仁皇帝既諭爾等
敦孝弟以重人倫即繼之曰篤宗族以昭雍睦蓋宗族由人倫
而推雍睦未昭即孝弟有所未盡朕為爾兵民詳訓之首段言
宗族所

以當篤之故總從孝弟推出是古今不易的道理篤厚而力也
宗族同宗之族人也雍和也睦親也敬也書堯典似堯以已之
大德也九族高會祖考已身子孫曾元也禮大傳言尊始祖故
敬大宗而百世宗之尊高祖故敬小宗而五世宗之宗道既篤
故一族之人皆收聚而不離散也按祖始也人之始也宗尊也
有德可尊也流派所出為宗族則統祖宗以下至萬世之人種
之也遠近貼分派說言分派雖所出之源有遠者有近者比我
與族人離所同之祖有輩數多者有輩數少者疏密貼分枝說
言枝之東西各出有稀有密比人之大房二房人丁有強弱家
計有窮富也要音邀求也四肢兩膀兩腿六行孝友睦嫻任恤
是大抵宗族之所以不篤者或富者多吝而無解推之德或貧
者多求而生觖望之思或以貴凌賤而勢利汨其天親或以賤
驕人而忿傲施於骨肉或貨財相競不念袒免之情或意見偶
乖頓失宗親之義或偏聽妻孥之淺識或誤中讒匿之虛詞因
而詬誶傾推無所不至非惟不知雍睦抑且忘為宗族矣爾兵

民獨不思子姓之衆皆出祖宗一人之身奈何以一人之身分
為子姓遽相視為途人而不顧哉二段先言所以不睦之故解
解我衣以衣人推推我食以
食人俶音決有缺之意缺望不滿所望而怨之也汨淹沒也天
親天定之親競爭也袒免禮大傳五世袒免凡同五世祖者有
喪則以布廣一寸從頂而前交于額又向後而繞于髻以為孝
服也乖不和也孥子孫也讒訕謗也匿以惡藏于心者詭也也
詈也諄諄也傾毀也推排擠也子姓姓
生也子之所生為孫故子孫為子姓昔張公藝九世同居江
州陳氏七口共食凡屬一家一姓當念乃祖乃宗寧厚勿薄
寧親勿疏長幼必以序相洽尊卑必以分相聯喜則相慶以結
其綢繆戚則相憐以通其緩急立家廟以薦烝嘗設家塾以課
子弟置義田以贍貧乏修族譜以聯疏遠卽單姓寒門或有未
逮亦各隨其力所能為以自篤其親屬三段正講篤宗族之道
張公藝唐東平人高宗

篤宗族以昭雍睦 五九

幸其宅為問睦族之道公書百餘忍字以進意以尊長衣食不
均卑幼禮節不備不可彼此責望能忍自睦也江州陳氏唐僖
宗時德安陳仇孝友傳家上旌其門至陳崇士家時已九世同
居四百餘口詔旌義門至陳袞創讀書院百門割四千頃為學
資集族七百口詔旌義門三間義柱二條至宋時陳鴻共九百
餘口詔重新義門歷陳兢陳坦陳廷賞陳蘊榮詔不一五世公
爵其時三千九百餘口矣出陳氏譜子實錄洽音狹和一也網
緜言彼此情意相加結成一氣猶橫直經緯相參織成一疋好
絹也薦進也又無牲而祭曰薦黍冬祭名嘗秋祭名家塾二十
五家同巷門側之學堂也課計功程也義田好義所捐公田也
范文正公立義田于畝以贍族誠使一姓之中秩然藹然父與
人嫁娶喪葬之事贍賙也給也

父言慈子與子言孝兄與兄言友弟與弟言恭雍睦昭而孝弟
之行愈敦有司表為仁里君子稱為義門天下推為望族豈不
美哉四段正講雍睦若以小故而墮宗支以微嫌而傷親愛以
侮慢而違遜讓之風以前薄而虧敦睦之誼古道之不存即為

國典所不恕爾兵民其交相勸勉共體祖宗慈愛之心常切本
木水源之念將見親睦之俗成於一鄉一邑雍和之氣達於薄
海內外諸福咸臻太平有象胥在是矣可不勗與五段正戒其

和鄉黨以息爭訟 第三條

古者五族為黨五州為鄉睦婣任恤之教由來尚矣顧鄉黨中
生齒日繁比閭相接睚眦小失狎昵微嫌一或不誠凌競以起
遂至屢辱公庭委身法吏負者自覺無顏勝者人皆側目以里
巷之近而舉動相猜報復相尋何以為安生業長子孫之計哉
聖祖仁皇帝憫人心之好競思化理之貴潛特布訓於鄉

黨曰和所以息爭訟於未萌也朕欲咸和萬民用是申告爾等

以敦和之道焉首段言鄉黨爭訟有害聖上所以憫之族

司徒職親百千人睦和外戚以恩相信于朋友體恤貧人尚貴也齒年也比連也睦眦音厓恣舉目相忤也此執之過狎玩熟也昵目口相親也此柔之過誠與戒同委棄置也法吏執法之

官吏側目不屑正視里巷古者二十五家同一巷也尋者繼也左傳云干詩曰民之失德乾餼以愆言不和之漸起於細微也

戈相尋易訟之象曰君子以作事謀始言息訟貴絕其端也是故人有

疏親概接之以溫厚事無大小皆處之以謙冲毋恃富以侮貧

毋挾貴以凌賤毋飾智以欺愚毋倚強以凌弱談言可以解紛

施德不必望報人有不及當以情恕非義相干當以理遣此既

有包容之度彼必生愧悔之心一朝能忍鄉里稱為善良小忿

不爭閭黨推其長厚鄉黨之和其益大矣古云非宅是卜惟鄰

是卜緩急可恃者莫如鄉黨二段言和鄉黨有益古人所以貴之德乾餼食之薄者猶言乾糧愆過也冲虛也老子書大虛若

冲愆原情容恕理遣過理開發卜鄰宋季罷南康市宅居呂

僧珍宅旁呂問價答曰一千一百萬呂務使一鄉之中父老子

弟聯為一體安樂憂患視同一家農商相資工賈相讓則民與

民和訓練相習汎守相助則兵與兵和出力以衛民民務養其

力民出財以贍兵兵務恤其財則兵與民交相合由是而簞食

豆羹爭端不起鼠牙雀角速訟無由豈至結怨耗財廢時失業

甚且破產流離以身殉法而不悟哉三段正言鄉黨和而息爭訟訓練操演技勇也汎守

防護不測也簞食豆羹比些小輸贏鼠牙雀角比無頭冤枉凡口中上日牙下日齒蓋鼠本無牙雀本無角以此人之無中生

有也速召也由由頭意時耕耘 收穫之時業士農工商之業 若夫巨室者年鄉黨之望膠庠 髦士鄉黨之英宜以和輯之風為一方表率而奸頑好事之徒 或詭詐挑唆或橫行詐嚇或貌為洽比以煽誘或假託公言而 把持有一於此里閭靡盬鄉論不容國法具在而兵民所當凜 謹者也四段又言鄉黨之和不在一方之人正不正巨室大 家也者年六十以上之人膠庠有功名者髦士凡讀書 明理者表立一杆以作樣者謂自已先和作個樣子率約督別 人也奸犯非禮者頑心不作德義者刁唆指人家事嚇詐指自 已與人有事洽比親附也煽以扇扇火也此人未投鳴他者公 言剖公之言把持成敗皆在他手中也此人已投鳴者聞音翰 里門曰開 靡不也 夫天下者鄉黨之積也爾等誠遵 聖祖之懿訓 尚親睦之淳風孝弟由此而益敦宗族由此而益篤里仁為美 比戶可封訟息人安延及世世協和徧于萬邦太和蒸於宇宙

朕與爾兵民有嘉賴焉未段由和鄉黨而推其效故一言和則 百和也蒸薰也字上下四旁宙往古來 今永嘉長以為 佳美而依賴也

重農桑以足衣食 第四條

朕聞養民之本在於衣食農桑者衣食所由出也一夫不耕或 受之飢一女不織或受之寒古者天子親耕后親桑躬為至尊 不憚勤勞為天下倡凡為兆姓圖其本也夫衣食之道生於地 長於時而聚於力本務所在稍不自力坐受其困故勤則男有 餘粟女有餘布不勤則仰不足事父母俯不足畜妻子其理然 也首段言農桑為衣食本務先明其理一夫不耕數語本神農 氏之教倡引導也生于地三句出鼂錯貴粟論兆姓十億日 兆天子彼南北地土雖有高下燥溼之殊然高燥者宜黍稷下 稱兆民

涇者宜秔稻食之所出不同其為農事一也樹桑養蠶除浙江
四川湖北外餘省多不相宜然種麻種棉或績或紡衣之所出
不同其事與樹桑一也二段言農桑土宜各重其事黍粟類苗
似蘆貴圓重以暑天種之故謂之黍有
赤黑二種稷似黍而小秋種夏熟穀之貴者秔音羹穀之願吾
不粘者稻穀之總名有粘有糯績績也以指添績而成也願吾
民盡力農桑勿好逸惡勞勿始勤終怠勿因天時偶歉而輕棄
田園勿慕奇贏倍利而頓改故業苟能重本務雖一歲所入公
私輸用而外羨餘無幾而日積月累以至身家饒裕子孫世守
則利賴無窮不然而舍本逐末豈能若是之綿遠乎三段正勉
民重農桑
歉一穀不升日歉輸以物送人也輒
忽然也饒豐餘也逐末謂商賈雜貨至爾兵隸在戎伍不事農
桑試思月有分給之餉倉有支放之米皆百姓輸將以散給爾

等各贍身家一絲一粒莫不出自農桑爾等既言其利當彼此
相安多方捍衛使農桑俱得盡力爾輩衣食永遠不匱則亦重
有賴焉四段言兵亦重農桑隸附著也給贍也即養贍意
支分也輸將所完錢糧也贍賜也足也捍即衛也若地
方文武官僚俱有勸課之責勿奪民時勿妨民事浮惰者懲之
勤苦者勞之務使野無曠土邑無游民農無舍其耒耜婦無休
其蠶織五段言官亦重農曠上空地耒耜耕田曲木也垂所
作耨耒端刀也神農作耜以金為之易斲木為耜謂斲
木為受耜即至山澤園圃之利雞豚狗彘之畜亦皆養之有道
取之有時以佐農桑之不逮庶幾克勤本業而衣食之源溥矣
所慮五穀豐登或忽於儲畜布帛充贍或侈於費用不儉之弊
與不勤等甚且貴金玉而忽菽粟工文繡而廢蠶桑相率為紛

華靡麗之習尤爾兵民所當深戒者也六段即愛養樽節之道以圖足衣足食之說山有草木澤有角田園有菓子圃有菜蔬薄廣也徧也自古聖王之世老者衣帛食肉黎民不飢不寒富庶之盛而致教化之興其道胥由乎此我

聖祖仁皇帝念切民依常刊耕織圖頒行中外所以敦本阜民者甚至朕仰維 聖諭念民事之至重廣為詮解勸爾等力

於本務余一人衣租食稅願與天下共飽暖也七段言 聖

皆也刊刻也耕織圖畫耕夫織女之狀也阜厚也詮具說也

尚節儉以惜財用 第五條

生人不能一日而無用即不可一日而無財然必留有餘之財而後可供不時之用故節儉尚焉夫財猶水也節儉猶水之蓄

也水之流不蓄則一洩無餘而水立涸矣財之流不節則用之無度而財立匱矣我 聖祖仁皇帝躬行節儉為天下先休

養生息海內殷富猶兢兢以惜財用示訓蓋自古民風皆貴乎節儉然勤而不儉則十夫之力不足供一夫之用積歲所藏不

足供一日之需其害為更甚也首段言財用之惜雖天子之富不能外節儉兩個字節謂人之

日用有多有少如物之有節然不可過也儉去奢從約之謂非謂一味慳吝也不時不拘時謂當時也蓄聚也洩漏也度法則也尺寸之謂休養生息休歇安養如左右的乃休吾民之休如書經引養引恬之養生息人物蓄庶也殷豐盛也兢兢戒懼也不自安夫兵丁錢糧有一定之數乃不知樽節衣好鮮麗食求之貌 甘美一月費數月之糧甚至稱貸以遂其欲子母相權日復一日債深累重飢寒不免農民當豐收之年倉箱充實本可積蓄

乃酬酢往來率多浮費遂至空虛夫豐年尚至空虛荒歉必至窮困亦其勢然也二段分言兵民不惜之害勢有必至摶音軫茲抑也費耗費也貸借有利息也子母相權言以本錢相權猶算也我以物送人日獻人以物送我日酢我復送人以物日酬尚猶也似此之人國家未嘗減其一日之糧天地未嘗不與以自然之利究至啼飢號寒困苦無告者皆不節儉所致更或祖宗勤苦儉約日積月累以至充裕子孫承其遺業不知物力艱難任意奢侈誇耀里黨稍不如人即以爲恥曾不轉盼遺產立盡無以自存求如貧者之子孫並不可得於是寡廉鮮恥靡所不至弱者餓殍溝壑強者作慝犯刑不儉之害一至於此易曰不節若則嗟若蓋言始不節儉必至嗟悔也三段統言不節之害難得怪人亦理有固然遺餘也轉盼即一掉眼意自存生活計也靡

無也餓殍死者也易節卦六三爻嗟若助語

爾兵民當凜遵

聖訓釋思不忘爲

兵者知月糧有定與其至不足而冀格外之賞孰若留有餘以待可繼之糧爲民者知豐歉無常與其但顧朝夕致貧乏之可憂孰若留貲將來爲水旱之有備四段將節不節對勘與兵民而困無以爲大抵儉爲美德寧以固陋貽譏禮貴得中勿以驕生也貲積也盈自敗衣服不可過華飲食不可無節冠婚喪祭各安本分房屋器具務取樸素卽歲時伏臘斗酒娛賓從俗從宜歸于約省爲天地惜物力爲朝廷惜恩膏爲祖宗惜往日之勤勞爲子孫惜後來之福澤自此富者不至於貧貧者可至於富安居樂業含哺鼓腹以副朕阜民成俗之至意孝經有曰爾兵民其身體而力行之謹身節用以養父母此庶人之孝也爾兵民其身體而力行之

雜圖宜詳身受
隆學校以端士習
未段正講倘節儉以惜財用而結出隆養所以防弊者深矣惜
物力指豐言惜恩膏指兵言哺音步食在口也副稱也阜盛也
誠和也

學校以端士習

第六條

古者家有塾黨有庠州有序國有學固無人不在所教之中專
其督率之地董以師儒之官所以成人材而厚風俗合秀頑強
懦使之歸於一致也我 聖祖仁皇帝壽考作人特隆學校
凡所以養士之恩教士之法無不備至蓋以士為四民之首人
之所以待士者重則士之所以自待者益不可輕士習端而後
鄉黨視為儀型風俗由之表率首段言古今設學教士之意古
者學記所載家二十五家黨五
百家州二千五百家國天子諸侯通家國而言塾庠序學皆學
堂同地易名也董督也正也地指上塾庠等而儒之官教官致

趨向也壽考作人本詩械模篇言聖主壽考而振作人材也務
儀型皆法也有儀可象之謂儀型鑄金模表率見第三條

令以孝弟為先材能為末器識為先文藝為後所讀者皆正書
所交者皆正士確然於禮義之可守惕然於廉恥之當存惟恐
立身一敗致玷宮牆惟恐名譽雖成負慚衾影如是斯可以為
士否或躁進功利干犯名教習子異端曲學而不知大道驚乎
放言高論而不事躬行問其名則是考其實則非矣二段臆列
士之習何
者為端何者為不端材能為末士有多材能而不孝不弟不得
為士故曰末文藝為後士有長文藝而無德器深識不得為士
故曰後確堅也惕懼也宮牆聖人之門即前塾庠序學等否
不然也躁急進也競爭也曲學如醫卜相畫之類亂馳日驚昔
胡瑗為教授學者濟濟有成文翁治蜀中子弟由是大化故廣
文一官朕特飭吏部悉以孝廉明經補用凡以為興賢育才化

隆學校以端士習

卷上

隆學校以端士習

六十六

民成俗計也。三段言學校要隆胡瑗唐人為蘇湖二州教授嚴在四方者觀其言談舉止不問可知為先生之子弟子弟相與稱先生不問可知為胡公文翁漢人當景帝時為蜀郡守與學校遣司馬相如等十八人為教習還以教徒眾教化比于齊魯蜀人祀之七教五倫外加長幼賓客廣文教官飭戒飭也吏部朝廷掌權柄官孝弟則有實行明經則有實用然學校之隆固在司教者有整齊嚴肅之規尤在為士者有愛惜身名之意士品果端而後發為文章非空虛之語見之施為非浮薄之行在野不媿名儒在國即為良臣所係顧不重哉。四段言士習要端司主也媿與愧同至於爾兵民恐不知學校之為重且以為與爾等無與不知身雖不列於庠序性豈自外於倫常孟子曰謹庠序之教申之以孝弟之義又曰人倫明于上小民親于下則學校不獨所以教士兼所以教民若黌宮

之中文武並列雖經義韜略所習者不同而入孝出弟人人所當共由也土農不異業力田者悉能敦本務實則農亦土也兵民無異學即戎者皆知敬長愛親則兵亦土也然則庠序者非爾兵民所當隆重者乎端人正士者非爾兵民所當則儆者乎孰不有君臣父子之倫孰不有仁義禮智之性勿謂學校之設止以為士各宜以善相勸以過相規向風慕義勉為良善則氓之蚩蚩亦可以禮義為耕耘起武夫亦可以詩書為甲冑一道同風之盛將復見於今日矣。未段言兵民同在學校之中亦要端士之所習與干也韜六韜也鳥熊龍虎豹犬姜太公作略三略上中亦姜太公作而黃石公亦用之以教張良也黌宮學宮經義經史之要義氓亦民也禮義耕耘本禮運言始教人情者必先以禮猶治田者必先以耒耜故說用禮以當耕言制事者必審事之成而後行猶種田

雜隱宣讀集要 卷一 黜異端以崇正學

者必種田之宜而種所當種者說陳義以種赴武勇也詩書甲冑本儒行甲被身冑在首所以防身而詩書所以檢身束心故云以詩書為甲冑

黜異端以崇正學 第七條

朕惟欲厚風俗先正人心欲正人心先端學術夫人受天地之中以生惟此倫常日用之道為智愚之所共由索隱行怪聖賢不取易言蒙以養正聖功以之書言無徧無不無反無側王道以之聖功王道悉本正學至於非聖之書不經之典驚世駭俗紛紛藉藉起而為民物之蠹皆為異端所宜屏絕首段從天命與異端分個明白黜貶斥也異端不同正道而別為一端崇尊也正學聖人之正道所當學也端審也中中理也索求也隱幽僻之理怪詭異之事不取孔子曰吾弗為之易蒙卦繫辭言童蒙之時要養以正道將求作聖之功實始於此以用也書洪範

篇偏倚者不中也厥音秘傾邪不平也皆已私之存子心者反倍常側不正皆已私之見于事者經常道也典法也藉音吉亦雜亂也藉藉又有甚盛意蠹蛀物蟲屏除也凡爾兵民願謹醕樸者固多間或迷於

他歧以無知而罹罪戾朕甚憫之自古三教流傳儒宗而外厥有仙釋朱子曰釋氏之教都不管天下四方只是理會一個心老氏之教只是要存得一個神氣此朱子持平之言可知釋道之本旨矣自游食無賴之輩陰竊其名以壞其術大率假災祥禍福之事以售其誕幻無稽之談始則誘取貨利以圖肥已漸至男女混淆聚處為燒香之會農工廢業相逢多語怪之人又其甚者奸回邪慝竄伏其中樹黨結盟夜聚曉散干犯名義惑世誣民及一旦發覺徵捕株連身陷囹圄累及妻子教主已為

罪魁福緣且為禍本如白蓮聞香等教皆車前之鑿也又如西
洋教宗天主亦屬不經因其人通曉歷數故國家用之爾等不
可不知也二段恐兵民不知而歷指異端之害願謹近忠厚意
所以佛家每在深山洞府勤苦修煉有神氣所以道家玄妙諸
書鍊已功夫惟在不洩精使精足上生氣氣足上生神神足則
上升矣持平不毀不譽也指與旨同意趣也游食到處哄人飲
食賴倚也售賣也誕大也傷易之言也程子言箴曰傷易則誕
幻虛詐惑人也又妖術也竄藏匿樹党各立羽黨也結盟要結
累也固獄也前車已敗之車比捕擒捉也株連合根柢一齊連
累也固獄也前車已敗之車比捕擒捉也株連合根柢一齊連
邪術邦有常刑朝廷立法之意無非禁民為非導民為善黜邪
崇正去危就安爾兵民以父母之身生太平無事之日衣食有
賴俯仰無憂而顧昧恒性而即匪彝犯王章而干國憲不亦愚

之甚哉三段言王法可畏釋教也師凡傳異術者巫假祖神以
惑人恒性常有之性善也匪彝非法也王章先王導民
為善之章程國憲國我 聖祖仁皇帝漸民以仁摩民以義
家禁民為非之法則 我 聖祖仁皇帝漸民以仁摩民以義
藝極陳常煌煌大訓所以為世道人心計者至深遠矣爾兵民
等宜仰體 聖心祇遵 聖教擯斥異端直如盜賊水火
且水火盜賊害止及身異端之害害及人心心之本體有正有
邪苟有主持自然不惑四段言聖教當導漸仁漸平聲浸染也
相切也言欲君民同歸于義也藝極樹立人道之極陳常敷陳
五常之理煌煌如火之輝光炫耀世道世所當行之道人心人
所本有之心將見品行端方諸邪不能勝正家庭和順遇難可
擯屏除也將見品行端方諸邪不能勝正家庭和順遇難可
以成祥事親孝事君忠盡人事者即足以集天庥不求非分不
作非為敦本業者即可以迓神慶爾服爾耕爾講爾武安布帛

稽粟之常遵蕩平正直之化則異端不待驅而自息矣

未段言 崇正學

自有福而異端為無用集聚也迺迎也服勤習也驅逐也

講法律以儆愚頑 第八條

法律者帝王不得已而用之也法有深意律本人情明其意達其情則囹圄可空訟獄可息故懲創於已然不若警惕於未然之為得也首段言法律定要講法律是一書法是深刻以論其理者故有深意律是條分以定其罪者實本人情懲創創亦懲也警惕以言戒懼之也謂必待以刑具戒飭之不若延講法律之言以刑之周禮州長黨正族師皆於月吉屬其民而讀法大司寇懸象刑之法於象魏使萬民觀之知所向方今國家酌定律例委曲詳明昭示兵民俾各凜成憲遠於罪戾意甚厚也 聖祖仁皇帝深仁厚澤洽於

兆民而於刑罰尤惓惓致意朕臨御以來體好生之德施欽恤之恩屢頒赦款詳審爰書庶幾大化翔洽刑期無刑又念爾為民者生長草野習于顛蒙為兵者身隸戎行易逞强悍每至誤觸王章重干憲典因之特申訓誡儆省愚頑二段言古今皆講月之朔讀法周禮地官職州長掌二千五百家每歲四次黨正掌五百家每歲七次族師掌百家每歲十四次閭胥掌二十五家每歲隨時讀法司寇刑部正刑明法之官象刑言朝廷立刑如天之垂象以示人象魏教令之書也每歲正月朔懸之酌審擇也凜戒守也成憲已成之法也戾亦罪也又不悔前過日戾洽沽濡周徧也惓惓回顧之意頒賜也爰書即記口供之書爰換也以文書代換花口詞也翔洽化之沽濡周徧于民者如鳥之回翔于天壤而好整以暇也刑期無刑言始雖用刑而實所以望人不為惡至于無刑也顛蒙顛專也又謹貌蒙覆也爾等言民習于專謹而心知有物覆著者隸屬也悍性勇急也爾等幸際昇平休養生息均宜循分守禮以優游於化日舒長之世

會同宣講集要 卷上 一 講法律以儆愚頑 七十

平居將頒行法律條分縷析講明意義見法知懼觀律懷刑如
知不孝不弟之律自不敢為戕倫亂紀之行知鬪毆攘奪之律
自不敢逞驕凌強暴之風知奸淫盜竊之律自有以遏其邪僻
之心知越訴誣告之律自有以革其健訟之習三段正勉以講
昇日上也言太平之象如日之昇故曰昇平休養生息見第五
條化日舒長化氣也國家之運氣探之莫得其端推之莫究其
止而舒展長久也頒布也拆分也蔑與滅同蔑倫亂紀如反叛
殺父殺祖殺公姑殺夫殺家長是滅族凌劇罪決不待時為爭
產告父告祖罵父罵祖與信陰陽將父祖屍燒毀改葬與叔嫂
成親者皆逢赦不赦的毆奪如殺一家皆死罪一人謀殺故殺
皆廢旗凌劇不待時的失手打死人有援赦緩赦之說佔人田
是流徒罪私債准折人田與搶奪的皆大則充流小則杖笞罪
淫盜奸親屬妻女與一切強姦是滅族凌劇罪犯奸佔人妻
女是死罪窩戶是流徒罪隱糧抗糧囑託公事盜賣人田是流
徒杖罪竊三次不問多少就絞初犯自首不再犯可免誣告如
娶訟的說事過幾的做光棍當闖將與誣告人的皆大則軍流

小則徒杖誣告人至死者逢赦不赦
的死罪健訟強健而有力好訟者也蓋法律千條萬緒不過準
情度理天理人情心所同具心存於情理之中身必不陷於法
律之內且爾兵民性縱愚頑或不能通曉理義未必不愛惜身
家試思一蹈法網百苦備嘗與其宛轉呼號思避罪於筆楚之
下何如洗心滌慮早悔過於清夜之間與其傾貴蕩產求減毫
末而國法究不能逃何如改惡遷善不犯科條而身家可以長
保四段從法律中指出情理身家以做
愚頑筆道上聲竹杖楚叢木一名荆倘不自儆省偶罹於法
上辱父母下累妻孥鄉黨不我容宗族不我齒即或邀恩倖免
而身敗行虧已不足比於人數追悔前非豈不晚哉五段言不
禍罹音離遭也冒朕聞居家之法為善最樂保身之策安分為
也累去聲齒列也

先母以惡小可為有一惡即有一法以相治勿以罪輕可玩有一罪即有一律以相懲惟時時以三尺自凜人人以五刑自凜懼法自不犯法畏刑自可免刑匪僻潛消爭端不作愚者盡化為智頑者悉變為良民樂田疇兵安營伍用臻刑措之治不難矣未段可能守法律之效三尺古人以三尺竹簡書律法五刑為墨面刺面鼻面割鼻則而挾足宮割下陰大辟砍頭匪僻非為偏邪也田疇穀田為田麻田為疇又耕治之田曰疇刑措置刑不用也成王時與漢文景時亦幾致刑措

明禮讓以厚風俗 第九條

漢儒有曰凡民函五常之性而其剛柔緩急音聲不同繫水土之風氣故謂之風好惡取舍動靜無恒隨厥情欲故謂之俗其間涓滴厚薄難以強同奢儉質文不能一致是以聖人制為禮

以齊之首段提清風俗見禮所由制漢儒班固孔子曰安上全

下莫善於禮蓋禮為天地之經萬物之序其體至大其用至廣

道德仁義非禮不成尊卑貴賤非禮不定冠婚喪祭非禮不備

郊廟燕饗非禮不行是知禮也者風俗之原也二段發揮禮字見物無不體安

上二句出孝經廣要道章體大承天地句用廣承萬物句郊祭天廟祭祖燕以示慈惠至于飲食享以訓恭儉設酒肉而不飲

不然而禮之用貴於和而禮之實存乎讓子曰能以禮讓為國乎

何有又曰先之以禮讓而民不爭使徒習乎繁文縟節而無實

意以將之則所謂禮者實足以長其浮偽滋其文飾矣三段重

見禮不虛行先之句出孝經三才章縟音辱細也將奉也承也夫禮之節文爾兵民或未習禮

之實意爾兵民皆所同具即如事父母則當孝養事長上則當

恭順夫婦之有倡隨兄弟之有友愛朋友之有信義親族之有款洽此即爾心自有之禮讓不待外求而得者也不待外求且備也辦也款誠也誠能和以處眾卑以自牧在家庭而父子兄弟底於肅雍在鄉黨而長幼老弱歸于親睦毋犯驕凌之戒毋蹈縱恣之愆毋肆一念之貪遂成攘奪毋逞一時之忿致啟紛爭毋因貧富異形有蔑視之意毋見強弱異勢起迫脇之心各戒澆漓共歸長厚則循於禮者無悖行敦於讓者無競心藹然有恩秩然有義黨庠術序相率為俊良農工商賈不失為淳樸即韜鈴介冑之士亦被服乎禮樂詩書以潛消其剽悍桀驁豈非太和之氣大順之徵乎書曰謙受益滿招損古語又曰終身

讓路不枉百步終身讓畔不失一段可知禮讓之有得而無失

也如此五段證明禮讓之實而引古以贊其美牧守也養也器也喧囂凌犯侮也恣資去聲放肆也迫脇以威力恐人也

藹然猶濟濟貌秩然有次序貌術同州見第六解韜箭衣鈴音箱車轄鐵也介鐵衣冑鐵帽剽去聲剽也殺也又輕剽悍強

很也桀凶暴也驚如馬之駁疾也徵驗也朕願爾兵民等聆

書大禹謨古語朱仁軌先生訓子弟語

聖祖之訓而返求之于一身爾能和其心以待人則不和者

自化爾能平其情以接物則不平者亦孛一人倡之眾人從之

一家行之一里效之由近以及於遠由勉以至於安漸仁摩義

俗厚風淳庶不負諄諄誥誥之意哉未段正勉其明禮讓以厚風俗也聆聽也孛信也漸

務本業以定民志 第十條

仁摩義見 第七條 明禮讓以厚風俗 七十三

朕惟上天生民必各付一業使為立身之本故人之生雖智愚不同強弱異等莫不擇一業以自處居此業者皆有本分當為之事藉以有利於身藉以有用于世幼而習焉長而安焉不見異物而遷焉此孟子之所謂恒產即 聖祖仁皇帝之所謂本業也首段提出本業見人人當務務專力也定安也付親手執物對人曰付蓋寸者守也居此業者猶言隨在居那一業有用于世蓋人之習業不但為利謀原要為世上有用之人恒產常借以生活之產也維茲本業實為先務凡為士農為工商以及軍伍業雖不同而務所當務則同也夫身之所習為業心之所向為志所習既專則所向自定書曰功崇惟志業廣惟勤蓋業與志本相須而成也但恐日久而生厭舍舊而圖新或為浮言所動或因際遇未通一念游移半途而廢作非分之營求生意外之妄想究之朝夕營營不恒其德資生寡策歷久無成而志遂以荒而業遂以廢矣二段言志不務則志不定志不定則業愈廢所以要務書周官篇功以成功言崇高也功成欲高在乎志之不安小成業以所習言所習欲廣在乎勤而不辭勞苦須資也言業無志不成志無業不能定也浮言無定之言際遇遇合也營營往來無定貌夫業每荒於嬉而必精於勤志貴奮於始而尤勵于終朕樂觀爾之成不忍見爾之廢也為士者謹身修行矻矻窮年服習詩書敦崇禮讓退為有本之學進為有用之才為農者春耕秋斂不失其時樽節愛養不愆于度先事以備水旱如期而輸稅糧使地無餘利人無餘力工則審四時飭六材日省而月試居肆而事成商則通有無權貴賤交易而退各得其所務體公平毋蹈欺

詐若夫身列行伍行陣即其業也弓馬騎射操練之必精步伐
止齊演習之必熟屯田則事墾闢守汎則嚴刁斗備邊則險要
之宜知防海則風濤之宜悉庶幾無負本業矣三段詳訓務本
之實荒荒忽不
常也矻矻音窟勞極也窮年盡我之年也服被服習熟復不已
也敦厚也崇尊也退回家進出仕擢節裁抑使不過節也愛養
如谷果以時食斧斤以時入之類審四時月令春器疏以達夏
器高以粗秋器高以深冬器閑以奄六材曲禮下上木金石草
獸肆官府造作處所欲也步進趨伐擊刺止齊有矩規也見
牧誓屯田動兵而守日屯蓋養兵之田也刁斗以金為之軍中
朝炊夜擊者備邊守邊疆也夫天下無易成之業而亦無不可
成之業各守乃業則業無不成各安其志則志無旁騖毋相侵
擾毋敢怠荒寧惜於勤劬勿貪夫逸樂寧安於樸守勿視乎紛
華熙熙然土食舊德農服先疇工利器用商通貨財兵資捍衛

各盡乃職各世其業上以繼祖宗之傳下以緜子孫之緒富庶
豐亨游于光天化日之下以仰答一聖聖祖誥誡之殷懷以克
副朕休養之至意顧不共享其福與未段言本業務而民志定
也驚亂馳也劬疲勞也逸
放縱也熙熙和樂貌食舊德守前人所遺之業也服先疇習先
人所耕治之田也世世守也綿不絕也緒絲頭也使子孫世守
不絕如拈著此頭緒而抽來無窮也光天帝德之光徧天下
也化日氣化舒長也副稱也休養即安養意顧不助語辭

訓子弟以禁非為

第十一條

從來教萬民訓子弟黨正族師月吉讀法歲時校比師田行役
則令卒伍而簡兵器朝夕誥誡人知自愛不敢偶蹈于非休哉
何風之隆與我 聖祖仁皇帝臨御六十一年安保赤之仁
廣教家之治深恩厚澤休養生息以至于今朕纘承大統仰體

聖祖子惠元元之心無日不以爾百姓為念尤無日不以

爾百姓之子弟為念也

首段言古來訓法周密今日有養不可無訓黨正族師見第八條師田出師田

獵行役凡出使于外卒百人伍五人簡選也續繼也元元大衆也

人生十年曰幼學二十曰弱

冠血氣未定知識漸開訓導懲戒之方莫切於此

二段言訓子弟之時正襟

于未然的實際學可學習也冠成人之禮也語出曲禮未定對老成講漸開對孩提講訓導開其善懲戒止其惡大凡

子弟之率不謹皆由父兄之教不先所恃為父兄者啟其德性

退其邪心廣其器識謹其嗜好至於愛親敬長之念人所固有

爾父兄誠能明示其訓俾知父子有親君臣有義夫婦有別長

幼有序朋友有信以端其本則人倫明而干紀犯分之咎自鮮

矣三段言訓子弟之人而歷指所訓之事率行也教不先二句本韓文公恃依賴也器以人品言識以見聞言紀倫紀分名

分夫士農工商各有專業軍士之家世習技勇其人之淑慝邪

正必自為子弟之日始語云少成若天性習慣成自然民間非

為之事漸漬成風或遊手好閑博奔飲酒或結納匪類放僻邪

侈往往陷溺而不悟甚者罹法網犯刑章爾為父兄者獨能晏

然而已乎

四段言不訓有必致之禍傳業技勇言僅此還當不

得是訓淑慝以心術言邪正以品行言漬漚物也言風俗之敗由漸而成如水之漚物積久而壞也匪類一切不正之人罹遭也

與其追悔于事後孰若

嚴訓于平時蓋行莫重于孝弟力田心必存乎禮義廉恥可模

可範以身教之耳提面命以言教之使子弟見聞日熟循規蹈

矩之中久之心地淳良行止端重可以寡過而保家即可以進

德而呈材也且庭訓素嫻子弟克肖則國家實與令典自致顯

揚既光大爾門閭又垂裕爾後昆父兄俱與有榮焉即使愚魯不敏而服教安化刑辱不及于厥躬鄉黨稱為良愿一家之休祥孰大于是五段言能訓有無窮之樂模範凡造物的樣子木曰模竹曰範庭訓庭前父兄之訓嫻習也賓興周禮地官大司徒以六德六藝六行教萬民而賓興之如三年三事有成者鄉大夫以賓禮而興起之也即合六者中有二事焉亦可以自進今日之子弟又為將來之父兄積善相承誨迪即今考試意不倦將見戶興禮讓入敦孝弟自通都大邑以至窮鄉僻壤太平之象與國俱長庶不虛朕殷殷期勗之至意矣六段又即訓子弟而推廣言之通都大邑皆富勝之地有先王之廟日都無日邑窮鄉僻壤遠方無人到之處也夫苟好善則閭閻子弟可致尊榮苟不善則公卿子弟流為卑賤義方之教切磋之功可不豫嚴于蒙穉之年乎爾兵民其敬聽之毋忽未段總緒通篇

息誣告以全善良

第十二條

閭閻民間也義方以父言切磋以兄言穉禾之始生者比幼弱時也

國家之立法所以懲不善而儆無良豈反為奸民開誣告之路而令善良受傾陷之害哉夫人必有切膚之冤非可以理遣情恕者于是鳴于官以求申理此告之所由也首段言官府放告原有不得不告者許發人陰司日許切膚膚皮也言切身之災情恕理遣見第五條鳴投鳴凡物不得其平則鳴申伸也乃有奸宄不法之徒好事舞文陰謀肆毒或捏虛以成實或借徑以生波或設計以報宿嫌或移禍以卸己罪顛倒是非混淆曲直往往飾沈寃負痛之詞逞射影捕風之術二段言強梁誣告奸宄起由外日奸出內日究舞文舞變弄也文律文漢張湯與趙禹定諸律務在深文故玩法日舞文毒入聲宿素也飾粉飾沈寃猶深寃負痛猶芒刺在背也

息誣告以全善良

七十七

射影暗害人者如蛾狐含沙以射人影人即中其害而不更有知捕風如平空害人者如風本無根脚而彼從而捕之也更有教唆詞訟者以刀筆為生涯視獄訟為兒戲深文以冀其巧中構釁而圖其重酬鄉里畏之名曰訟師因而朋比協謀黨惡互證有司或一時受蔽至使良善之輩不能自白桁楊在前箠楚在後鍊銀之下何求不得縱至事明冤雪而拖累困苦小則廢時失業大則蕩產破家善之被誣可憫而凶頑之誣善良尤可痛恨也三段言惡徒唆使誣告善良構結也洗也酬謝也協謀出主意互証作干証桁楊械夾之自頸至脛者箠楚見第八條銀鍊二句本路温舒論刑書言治刑者恐上官有翻駁先將罪狀詳悉周納致之法中如治玉之鍛些金然雪洗也

我 聖祖仁皇帝矜恤下民重懲其弊徐 頒示訓諭有曰
息誣告以全善良夫誣告有反坐之條令申煌煌乃可作奸犯

科而不畏者利欲薰心詭薄成性方且咨其含沙之毒僥倖於法網之寬殊不知無情之辭一經審察莫可逃避造釁以傾人究之布阱以自陷亦何利之有嘗聞古人或認牛而不辨或奪禾而不爭卒開愧悔之誠翻成禮讓之美若斯之風誠可嘉尚爾兵民所當景效焉四段言誣告而受反坐曷不忍讓而聽自駕牛車出行有失牛者認所駕為己牛寬曰是爾牛邪乃與之及失牛者還得已牛急送付寬寬曰非爾牛邪失牛者謝罪寬日物固有相似者奪禾漢鍾離牧山陰人少貧遷永興自墾田二十畝禾將熟縣民有奪其禾者縣長聞之欲殺此人牧日以禾殺此人吾將還山陰官乃止其人自舂米得且尋繹 聖六十斛送牧牧不受其人置之路旁人無取者

諭不日禁而日息與其治之以法不若感之使自化也蓋官吏之見聞或疎疎則猶煩揣測鄉鄰之耳目最近近則素所稔知

為之抉其根株窮其黨類出于無心者緩語以曉之成於有意者危言以誡之彼良善之家素行足以質之里閭而無愧而誣告之人言辭既非情實迫于公論則不敢誣揆諸本心亦不忍誣凡前此之陰謀秘計一旦悚然改悔如冰銷霧釋兵不誣兵而兵之善良者全民不誣民而民之善良者全兵民不相為誣而兵民舉全不致赴官終訟兩造俱傷庶幾從風慕義胥天下而歸于無訟豈不休哉尙其咸諭而凜遵焉未段以息訟責重鄉鄰乃息字本旨

誠逃匿以免株連第十三條

朕撫臨億兆合四海為一家聯萬姓為一體中外旗民本無異

視第以國初定制入旗人員在內則拱衛京師在外則駐防各省如有不奉使令潛往他鄉者即為逃人例有嚴禁逃人所至之地兵民人等不行覺察擅自容留者罪並及之首段言逃人有定罪誠與戒同匿藏也株根也中外指滿漢旗民指在旗下為民者國初我清自有天下之初入旗滿漢蒙古各有八旗正藍正白正紅正黃鑲藍鑲白鑲紅鑲黃拱環向也駐馬立也覺明也發也擅專也按逃匿情弊大約不外兩端凡在逃之人意氣言辭必多巧飾爾等或受其欺罔不辨為逃人而率意容留者有之或利其財物明知為逃人而同隱匿者有之夫主僕之間乃大義所在逃人背主蔑義窩逃者黨不義而藐王章逃者恃匿者以為之藪也法安得恕二段言逃匿情弊所以有罪按考察也罔誣也利凡有所私有所為皆利也通同通行商同也主指主將窩藏也黨相助匿非為黨藐輕

視也藪大澤也故順治五年之例窩逃者問擬大辟並籍其家
野獸所聚之處鄰佑十家等皆徒邊遠康熙十五年定例凡窩逃之正犯流徙
尙揚堡兩鄰十家長罪止杖徒此皆我 聖祖仁皇帝矜恤
愚民罪疑惟輕故改從寬典也又屢年恩詔將逃人事件概行
赦免國家施法外之仁寬督捕之罰無非欲爾兵民革外從忠
遷善改過使蓬門華戶出入優游共享太平無事之福三段正
言株連
之罪問問罪也擬議也籍簿書也言以簿書書其名也正犯窩
家主人流放罪人使如水之流而不還也古者大罪放四裔次
九州外次千里外徙遷移也尙揚堡外遣受罪處徒亦充罪或
數月或一年或二三年革更也改也言改輕薄為忠厚也蓬門
以蓬蒿為門筆與算同竹器筆戶織竹
如算以為戶也按算音秘墊飯蒸飯者爾兵民等共仰體
聖祖誥誡之慈懷與朕諄諭之至意謹身率教循理奉公不交

游手無藉之徒不為行險僥倖之事毋徇私欲而干國憲毋貪
微利而忘身家如此則井里晏然四鄰安堵胥吏不擾雞犬無
驚而國家刑期無刑之化亦可以觀厥成矣四段正言能誠則
能免無籍見第七
條徇音訓順也堵垣也謂安處
墻垣之內胥市中供給隸役者
倘因法網既寬復蹈故轍營私
受賄藏惡養奸則自取其辜何能曲宥况夫逃竄之人性既冥
頑又無生理所習種種不端大而盜賊小而賭博一經發覺皆
犯科條容留之家又安能脫然事外不罹罪譴耶五段言不誠
則不能免辜
罪也竄藏也冥暗也頑癡也發覺
猶察出意罹遭也胥也譴責也
周易曰比之匪人不亦傷乎
晏子曰居必擇鄰所以避患也可知奸滑浮蕩之流皆足為善
良之累朕願爾等父誡其子兄誡其弟隊長誡其行伍鄉約誡

其比鄰祇奉訓詞各遠非義則地方寧謐俗厚風淳又何患株連之偶及哉末段引古作結以申勸誡之意周易比六三爻詞比親輔也匪人非正人也累去聲隊音兌羣也謚

音密安也

完錢糧以省催科 第十四條

自昔畫野分州任土作貢而賦稅以興凡國之五禮百度輸用出入皆賴焉此君所必需于民下所宜供於上古今通義未之或改且以制官祿所以治我民以給兵餉所以衛我民以備荒歉所以養我民取諸天下還為天下用之人主之倉廩府庫豈厲民而以自養耶首段言興錢糧的通意畫野皇帝畫野分十將幽并營附入九州而在上中下九等之士作九等之貢五禮吉凶軍興嘉需須也供供進也給養贍也倉廩所以貯穀府庫

所以藏貨財也厲害也

我朝自定鼎以來賦額悉準經制且橫徵私派一切革除未嘗絲毫多取于民溯 聖祖仁皇帝深恩厚澤參

養斯民六十餘年時以閭閻豐裕為念所蠲免錢糧何止千萬億遐邇之霑被固已淪肌浹髓矣二段言我朝取以義鼎禹以下者必遷九鼎故曰定鼎橫私指前朝言參養凡餒牲穀食夫日參蠲除也淪浹淪入于脂膚浹洽于骨髓言深入民心也

緩徵薄斂加惠元元君之德也以上奉上先公後私民之職也屬在兵民宜喻此意三段言民要自知大義公指賦稅私指家用勿惰而嬉荒其本

業勿奢而費耗其資財勿逡巡觀望冀邀賜復之殊恩勿轉委輸將致被豪滑之中飽依限而納毋待追呼然後以其所餘養

父母畢婚姻給朝夕供伏臘庭有卧治之縣官村巷無夜呼之

吏俯仰無累妻孥晏然其為安樂莫踰于此四段言完了有許多好處也遂巡卻

退貌觀望謂板望別人意復免錢糧也轉委輸將以物與人日輸將亦與也言托人完納被音避及也中飽在中間吞飽也限部限四月完半九月完全伏臘四時之節氣卧治漢景帝拜汲長孺為淮陽太守汲辭帝曰卿薄淮耶其地吏民不相得吾欲得卿重卧

倘不知國課之當重國法之難寬或有意抗違或任情遲緩有司迫奏銷之限不得不嚴追比胥役受鞭撻之苦不得不肆誅求剝啄叩門多方需索無名之費或反浮于應納之數而究竟所未完者仍不能為爾寬貸不知何樂而為此五段言不

完有許多煩惱亦義也剝刀割也啄鳥食物也無名指應酬夫胥吏之費應納之應音因當也凡訓應酬則唵去聲貸施也

供胥役之侵漁曷若輸朝廷之正供為抗糧之頑戶曷若為守法之良民人雖至愚亦必知之六段反正對勘出義方與民看侵漸進也漁侵取也如漁者之

數取不止也 况乎上好仁而下好義情屬一體爾試思廟堂之上所日夜憂勞者在于民事水溢則為隄防旱魃則為虔禱蝗蝻則為撲滅幸不成災則爾享其利不幸成災則又為之蠲租為之賑濟如此而為民者尚忍逋賦以誤國需問之于心亦何以自安譬人子于父母分產授業以後必服勞奉養庶盡厥職乃父母恩勤顧復不遺餘力而為子者自私其財缺甘旨而違色養尚得謂之人子乎朕用是諄諄誥誥誠但願爾兵民上念軍國下念身家外有効忠之名內有安享之實官不煩而吏不擾何樂如之爾兵民清夜自思其成體朕意未段復諭之恩以申勸勉之意溢漫溢也蝗蝻皆食苗出飛者為蝗走者為蝻逋逃也需須也國之所必須待者吏差吏清夜即三更後外物未交心頭暫清此等夜分正好將日

問事自問
自己良心

聯保甲以弭盜賊 第十五條

從來安民在於弭盜，摘發守禦之法，必當先事而為之備。故緝捕有賞，疎縱有罰，諱盜有禁，違限有條，而最善者莫如保甲。十家為甲，十甲為保，甲有長，保有正，設立簿冊，交察互警，此即井田守望之遺制所以 聖祖仁皇帝上諭曰：聯保甲以弭盜賊，誠欲使四海九州閭閻安堵，澄本清源。 聖慮實為周切矣。首段言立法安民一本古制，弭音米止也。摘奸摘音惕發也。挑也。趙廣傳發奸摘伏緝捕，彼此相愧，捕捉也。疎縱疎忽縱放也。諱護短曰諱，限捕獲之限期也。簿冊即第恐遵行既久，遂烟尸册澄靜而清也。周切周徧而切近者也。至因循吏則徒籍戶籍民，則僅置門牌而於聯比糾察之法未

見實心奉行，以至勾引窩藏之弊，種種而生，鄰舍失事，竟有如秦越之相視，富家被劫，反指為悖，出之當然，甚且假公濟私，藉盤詰之虛名，滋無厭之苛求，汎守因而騷擾，胥吏緣以生奸，有保甲之名，無保甲之實，有保甲之累，無保甲之益，此盜賊之所以難弭也。二段言保甲不聯則盜賊難弭，比連也。密也。糾督也。秦越韓文公爭臣論如越人視秦人之肥瘠，忽然不加喜戚于其心，言不相關切也。悖出悖亂也。言平日亂取人之財，今日以亂而出，亦是該的濟凡事遂為濟詰欺吉切問也。滋益也。厭平聲飽足也。騷擾騷亦擾也。夫良法之有利于民，在奉即亂生事端，意生奸如詐嚇賣之類。行之必求其實，嗣後城市鄉村嚴行保甲，每處各自分保，每保各統一甲，城以坊分，鄉以圖別，排鄰比戶，互相防閑，一甲之中巨室大戶，僮佃多至數百，此內良否，本戶自有責任，若一屨一

舍之散布村落者有業無業或良或否里正保正得以微窺於平素一出一入得以隱察其行踪遇有不務恒產羣飲聚博鬪雞走狗夜集曉散以及履歷不明踪跡可疑者皆立為糾舉不許暫容甲內其荒原古廟鬧市叢林尤易藏奸更宜加緊防察至汎地兵丁務必晝夜巡邏一體查詰毋借端生事毋挾讐陷害毋受賄賂而徇縱毋惜情面而姑容協力同心輪流分派則盜賊無容身之地而軍民高安靜之樂矣查昔人禦盜之法村置一樓樓設一鼓一家有失擊鼓為號羣起而守其要害盜賊將安所逃所謂寓兵法于保甲中也若夫江海出沒之區有未可以保甲行者舟楫往來給號聯艘彼此互相稽察匪類亦難

藏匿皆在實心奉行先事而為之備三段歷指聯之之法在于實心奉行坊首方城中立社為界則建坊圖即一團防閑皆管理意防使不得入閑使不得出僮佃僮僕佃戶廛市宇也舍屋也市居為舍村落村聚也落居也人所聚居雞狗以禽獸蟲物相遊戲者集聚也會也巡邏邏羅上去二聲環繞游行之卒賄賂贈送貨物也要害緊要利害處楫若視為具文怠忽從事至於被盜者失財連坐者受累不惟負朕息盜安民之至意亦且非爾等保身保家之良策也末段復反言以結之

解讐忿以重身命 第十六條


朕惟人道莫大於守身民之有身所以務本力田養父母而畜妻子兵之有身所以嫻習技勇資捍衛以報朝廷身為有用之身則皆當自愛乃生人氣質之偏不能變化往往血氣用事至

一發而不可遏，激怒崇朝，竟成莫解，互相報復，兩敗俱傷，其起甚微，而其害甚大。不念爰書抵罪一定之律，雖國家法網甚寬，亦不能為殺人者施法外之仁。我聖祖仁皇帝訓諭十六條而終之，以重身命，誠哀矜悱惻之至意也。首段言身命本重而人不自重，技材能也。如弓馬刀鎗之類，資賴也。捍抵也。衛護也。遏止也。崇朝崇終也。終一朝之時也。爰書見第八條。網寬史記言漢法之寬如網露吞舟之魚，悱惻口不言而心傷之過也。夫天地以好生為心，而惻惻之倫，不自顧惜。人君以愛養為政，而蚩蚩之眾，每至輕生，非釁起於夙昔之讐，即禍生於一朝之忿。强者膂力之剛，殺人亡命；弱者希抵償之罪，赴水投繯，忿以成讐，讐而益忿。二段承上言人不自重出于仇忿不解也。惻惻失志貌。蚩蚩無知貌。抵賴也。脅脊骨也。希望也。償音賞還也。原其至此之由，固非一端，而兵

民所易犯者，尤多於縱酒。蓋酒之為物，能亂人心志，使失其故常，或賓主酬酢，始以合歡，而俱入醉鄉，則一言不合，至操刀而相向，或睚眦之怨，本可冰解，及酒酣耳熱，則一發難忍，若不共天之深仇，每見刑曹命案，相傷於酒後者，十有五六。噫，置身縲綆，家破人亡，甚至累及妻孥，禍延鄉黨，而後拊心自悼，悔何及矣。三段推言仇忿不解多在酒禍也。故當平素也。酬酢主酌賓日獻賓若酌主日酢主復酌賓日酬。睚眦見第一條。冰釋如冰之化無存渣滓也。酣半醒半醉日酣。不共謂殺交兄之仇。曹聚也。局也。所設刑罰聚集之局也。縲黑索也。拊拍也。擊也。悼恨也。自今以往，皆當敬聆聖諭，時時提醒，思仇與身孰重，毋追既往之仇，而昧將來之患，思忿與命孰輕，毋快目前之忿，而貽事後之悔。縱人或以非禮相加，似難含忍，然一念失身

命攸關則從父兄訓誨聽親友調和無不可情恕理遣至酒之
為害尤宜深戒古之人既立之監或佐之史蓋惟恐載號載嗽
亂籩豆而起爭端也其可沈酒荒腆致陷身於刑戮乎四段正勉人解
仇忿重身命而戒酒禍也理遣見第三條古人衛武公飲酒悔
過作賓筵篇監以察其愆史以書其失號呼也嗽謹也籩豆穀
具也沈酒溺于酒也荒腆荒忽而益厚于酒也語有之忍之斯
所引古詩古即不遵禍而亂德失儀亦當惑也
須乃全爾軀故解去仇忿則全生保家之道胥在于此養其和
平消其亢戾不待排難解紛而凌競之習自然息化何其風之
醕也孔子曰忿思難孟子曰橫逆猶是此亦妄人也已矣聖賢
之遺訓與 聖祖仁皇帝之明諭固千秋同揆也凡爾兵民
凜之毋忽則閭閻相保營伍相安下以承家上以報國優游盛

世同臻仁壽之域非解仇忿之明效歟未段原以解仇忿之道在於能忍能思能自反
也忍之二義周武王劍銘斯須片刻也軀身也亢高也戾恨也
橫逆不順理而至也醕醕也厚也揆葵上聲度也臻至也仁手
足痿痺為不仁故人之
身安為仁長命為壽



Vertical text columns on the left side of the page, appearing faint and partially obscured by the texture of the image area.

